

豐順縣志

4

4103301181

29

10

豐順縣志卷之六

知豐順縣事禹航葛曙生淵父纂



人物志

賢品 孝義 耆壽 節烈 寓賢

王彥方化及鄉人陳太邱居名德里邑有人物表而出之豈徒不没人善哉風化所關正表宅門樹風聲之義也採攬之下大懼文獻無徵見聞固陋然寧詳毋缺寧核毋濫惟核足以取信於後惟詳足以觀感於人故其人或顯績或潛脩以迄歲山遺老暗室孤

豐順縣志

卷之六 人物

嫠必訪諸輿論徵其實行以為作忠教孝訓俗型方之具他如名賢遊歷山川增色景行所存流風可仰亦並載焉有志於善者可以知所自處矣作人物志

一賢品

明黃勳字守勳藍田上陽人讀書鄙章句有志聖賢之學平居無戲言雖盛暑必衣冠危坐舉成化鄉試丁未授新淦教諭以崇尚正學爲已任諸生具贄俱不受其貧者周之或疑其矯勳曰矯廉其可也吾豈以顯晦大小易搯耶六年遷柳州教授見郡守長揖而已歲餘謝歸龍山教子一道成名能繼父志

黃一道字唯夫號日溪勳子正德庚辰進士授戶部

豐順縣志

卷之六

賢品

二

主事奏革漁蠹疏議大禮出守興化時務以正學名諸生濟貧恤冤又建橋寧海築長城堤民受其利爲刻石立祠堂後挈族移居揭邑西門內今子孫俱在揭邑

柯化鵬號聲朝藍田金湯人爲人謙厚和平舉萬曆戊午鄉試亞魁崇正四年冬大飢揭邑紳士會賑鵬以藍田黃寨去縣治遠特倡賑一方全活甚衆及任浙江温州府推官有惠政讞獄清平時時爲囚求生埋丹筆不忍妄下任滿歸溫民多首頂

香爐數千里護行抵家其德澤感人類如此明季  
山寇竊發其親族有被脅從賊者鵬力誅之處多  
難之鄉謫先斂鍰匪類竟不能害與妻洪氏偕老  
子孫有顯名於時者

何仕家號純弼字文定棠荆鄉人生而穎異博涉群  
書平居手不停披口不絕吟與海陽黃尚書錦吳  
尚寶殿邦揭陽郭詹事之奇等十七人以詩文相  
推重而何爲之長幼會肄業晉江極爲李光緒所  
器歸潮遂冠多士舉萬曆壬子鄉試任潮廣衛山

豐順縣志

卷之六

賢品

三

縣知縣

羅紅

揭志誤作洪

藍田上陽人少遊庠以行見推爲督學

陳欽所器欲薦之會陳卒母年八十家居奉養不  
求仕進善吟咏喜山水有和歸田百咏詩揭邑長  
隆正深重之訪其廬謫簿李本舉鄉飲賓爲鄉約  
長

楊世喬更名宮號柳主藍田湯坑人原籍茶陽之白  
溪爲楊龜山先生十六世孫舉天啟丁卯鄉試爲  
人慷慨有國士風乙酉秋九軍賊攻邑城喬

士擣其巢穴遂解邑難繼而賊屢圍所居金甌寨  
喬統衆堅守以義勵之數閱月食盡茹棉核蕉根  
而千人如一心焉躬爲先鋒破賊解圍又詣郡帶  
兵殺賊首馬殿黃甲於梅岡迎班郭二總兵誘殺  
賊首劉公顯傅達馬茂素於府城更謀之饒鎮吳  
六奇多方削平歷數年間藍霖寇殆盡全揭賴以  
底定鄉人有漸染匪類者皆爲感化從善子孫繁  
盛今移居揭邑沙腹湖

羅拱腸上陽人揭陽學生員孝友樂施會捐田租助

祭揭邑文廟乙丑年經提學道張瑞優獎德行祀  
揭邑鄉賢有子萬傑崇正甲戌進士

羅萬變之貞卿號庸菴年卜八舉崇正庚午鄉試甲  
戌進士重觀政丁外艱歸服闋授行人司行人兩  
奉使册封言判二藩庚辰召對給筆札問修練儲  
備四事侃侃直言敷陳利弊切中時艱擢吏部主  
事轉驗封員外郎舊例副郎不與選事會家宰鄭  
三俊加意銓政以傑誠實不阿破格異以選事在  
職一年矢公矢施每有黜陟反覆詳審適長安屬

氣盛行同邑王宗昌幾不能生爲多方求治朝夕  
左右卒賴以安同邑林一奇卒於京邸傑昌暑親  
爲治喪棺斂如禮其篤於友誼類如此復丁內艱  
守制旋里值揭邑歲祲倡禁閭糶藉以全活者甚  
多未幾聞國難遂矢志岩壑結廬茶陽山中草衣  
蔬食與樵子牧豎量雨較晴性喜禪悅高僧談對  
閒時或賦詩見志生平身無長物林居三十年足  
跡不入州府家人婦子罕親其面所著多不存稿  
蓋不欲以文人詩人自待也病革自言吾身下世

變忠孝兩愧且多年學道無成去當再來卒年六  
十八子八人俱能守其家訓今分居揭豐二邑

國朝吳廷符字弼垣六奇父少有至性篤孝弟好施與久  
而不忘鄉黨稱之以子貴贈光祿大夫祀府學鄉  
賢

吳六奇字鑑伯號葛如湯田人海邑諸生少讀書務  
大節不事生產明季山寇竊發奇與弟標訓練鄉  
族力爲扞禦當事嘉之委守豐順營先後殲滅巨  
盜鍾凌秀葉澳婆彭士炳張文斌林象寰劉良機

等遠近賴以安我

朝定粵竒統衆景附特授掛印總兵官開闢饒平會士寇  
江龍踞大埔鄭儼據湯坑統官鄉兵討平之潮鎮  
郝尚久叛各縣風靡獨竒抗不肯附及 王師圍  
城竒捐餉不貲助攻甚力城下日保全甚多功成  
晉少傅 賜蟒貂刀馬等物時海氛未靖募習水  
師造船會勦鷺島克復又奉

詔宣諭南澳全澳將士及銅陵諸嶼一時向化來歸竒皆  
指俸贍給之嘗捐貲修府學明倫堂及饒平大捕

豐順縣志

卷之六

賢品

六

文廟卒贈少師謚順恪 賜祭墓祀鄉賢詳載墓  
誌

歐亮松林社人曾爲饒鎮中軍康熙十三年七月逆  
鎮劉進忠叛據府城遣數營逆黨據揭邑亮統師  
欲恢復揭城自舉義兵前導駐札磐溪都被逆黨  
襲擊死之

鄒瑞橫坑社人明季武生順治十年同饒鎮吳六竒  
恢復潮郡保全程鄉大埔鎮平平遠等縣有功十  
二年授饒鎮中軍遊擊康熙三年廣福兩省總督

傲剿大埔木客有功六年封授驍騎將軍九年拔  
湖廣德安府副將

王金環清堡人爲饒鎮吳六奇標將屢立功績順治  
二年普寧土寇林叅寰劫縣以計斬之六月澄寇  
困潮州解其圍繼而彭仕炳作亂陳擒巨魁三年  
海賊掠潮陽鎮平寇攻梅州俱剿平之四年寇破  
長樂賴以恢復十六年興寧大飢移粟萬石賑之  
生子二十三人初授都司僉書管遊擊事陞任饒  
鎮右營叅將

豐順縣志

卷之六

賢品

七

羅萬善號子臧字止仁藍田上陽人康熙甲子舉賢  
書考授中書後改知縣以老不就職家居日事吟  
咏不履公庭有司罕覲其面性極恬澹而任事慷  
慨重新祖祠祖潭堤決捐資脩築丙午丁未歲飢  
於碩浦發儲散米人懷其惠享年九十有一長子  
昌齡雍正癸卯歲貢任東安縣訓導次子松樾歲  
貢中乾隆甲子何蘊躍榜三子鳴鑿監生任浙江  
桐鄉縣縣丞今俱移居揭邑

羅國珍號豈藏字正殿萬善弟與兄齊名康熙丙午



鄉試第四名揭邑長鄭濂延脩邑乘初令武進以  
憂歸繼補昆明皆有治聲丙子分校滇關所得皆  
知名士告歸後與兄萬善白首怡怡人咸羨之有  
子四俱成名今分居揭豐二邑

吳啟晉號長源六奇長子有文武才少佐父治兵預  
叅帷幄性至孝重然諾友愛諸昆弟能得父歡心  
平居耽書史雖其父以宮銜掛印行膺廕典非其  
志也發憤下帷中順治丁酉科舉人房師洪琮期  
以大器未幾卒人皆惜之

豐順縣志

卷之六

賢品

八

吳啟爵字縻源六奇四子郡諸生康熙五年以父廕  
授正黃旗侍衛隨提督施琅攻澎湖多立戰功諭  
降臺灣賚偽冊印星馳奏捷陞太原總兵給世襲  
旋遷瓊州平黎岐靖島嶼再調天津行至雷州卒  
康熙癸巳以

萬壽恩諭祭功臣榮寵及之

張應龍字仰雲建橋鄉人早歲失怙得寡母王氏教  
育成之時與胞弟起龍夢龍相友愛人無間言乃  
讀書艱於科舉就幕於湖廣糧儲道楊公漣署持  
籌握算綜理簿書爲楊所奇重明天啟元年出爲  
臨漳縣主簿廉能練達具幹濟才與邑紳周朝瑞  
交最善周原官吏科給事中兼太僕寺少卿也疏  
奏應龍爲賢吏遷署臨漳縣事調補衡山縣知縣  
轉興都留守司經歷迨楊公題陞都察院御史又  
以能員保薦奉 詔管領顯陵兼承天沔陽事務

豐順縣志

續修

卷之六

賢品

九

居官勤慎清理詞訟聽斷無私一切興利除弊民  
多感頌因念老母在家不得晨昏侍奉遂告職回  
籍省視嗣授中議大夫並請封贈二代榮歸乃抵  
家未及一年壽五十八而卒楊都察周給練同誅  
題曰勤以趨事嚴以持躬才雄逐電守固凝冰迄  
今孫支蕃衍猶想見其遺範焉子三人俱賢俊  
楊貞號翠環北勝紫荆洞人少有壯志諳兵法爲吳  
六奇所知順治元年黃海如寇潮郡隨六奇提兵  
入援慶戰筆架山論功受上賞復討巨寇鍾凌秀

葉阿婆及九軍賊劉公顯等屢立戰功迨六奇鎮  
饒平卽以貞爲裨將九年郝尙久叛遠近風靡獨  
貞與六奇皆不附戰守之際參謀決策心力交加  
復輸軍餉助戎裝破逆藩定潮郡叙功績授參將  
劄歷守大埔饒平揭陽三屬壁壘肅然凡關軍國  
事務行之莫不動中肯綮閩粵兩省總督檄勦大  
埔木窖賊又與協鎮鄒瑞爲之原情定罪從寬赦  
宥分別良歹予以自新其鄉民感恩圖報因而立  
生祠顏曰鄒楊公祠時軍門楊 遇明奇其才欲

豐順縣志

續修

卷之六

賢品

十

保薦陞遷貞乃功成告退築若韜晦今紫荆園是  
爲楊氏始基祖也防備盜賊鄉里賴以安若捐賑  
救饑創建積慶東林西竺等庵寺一切善舉尤敦  
行不怠康熙十二年卒崇祀縣學鄉賢子二十六  
李漢玉城廂人幼聰穎十七登黌序旋補廩膺歲貢  
強仕後選新興縣儒學抵任時士林式化學業尤  
擅長經古名著觀海集中畢生正直持躬樂善不

倦

吳開岐城北人好讀書喜行善事每遇貧乏輒周之  
應試屢躋援例報捐千總銜好論古今異事至老  
不倦常以邑屬事有關果報者聞見輒拈筆錄之  
彙成小編鐫之以勸世名曰靈異記長子良增生  
次子榮廩生三子紅舉人孫謙受增生曾孫世光  
庠生書香累葉皆其積善之報

楊鍾嵩字仁溪紫荊洞人監生考授州同鄉賢貞之  
子幼穎異喜屬文有佃僮志躋於數不售退而營  
貲產號素封慷慨好推解族戚有待哺者輒炊爨

豐順縣志

續修

卷之六

賢品

十一

給之靡德色尤篤友於骨肉稍違和正色以詈之  
衆莫敢犯晚年自道云生平守拙無他術到處逢  
人勸讀書壽七十有二子九人歧嶷惟肖詩禮傳  
家孫支蕃衍

張應制字子亮官溪人庠生好施予重本源祖宗祠  
宇多所創修百堵皆興毫無慳吝且賦性嚴正整  
飭鄉規人多感服因稱爲官溪公而不名仍做鄉  
先生可祭於社之義至今每年鄉中祀社頒胙永  
著爲例子丹客俗傳授異人寶出米致富云

張逢年監生官溪人謙和謹厚孝友存心家頗饒裕  
教子孫辨義利聞嘉言懿行輒佩服不忘居恆重  
道隆師勸耕課讀謂久大之業不外如是子之純  
佐理俱生員之紀國學孫宣猷廩生

朱孔璋號琢齋居官以賢能著自佐貳至縣尹洵乎  
卓異乾隆三十六年

上幸山東璋由仙遊縣奔赴接

駕恩賜錦緞旋調貴州銅仁署荔波等縣轉獨山州莅  
任五載勉持清操興利除弊於民事靡不殫心民

豐順縣志

續修

卷之六

賢品

十一

苗有召父之歌仙遊邑誌以璋廉明強幹載入循  
吏傳邑人又立碑儀門及楓亭梅嶺以志遺愛嘉  
慶間纂修廣東通誌載入仕宦傳稱璋居官廉明  
在家孝友云

譚濬字方哲歲貢生爲諸生時負奇氣任盤錯有守  
有爲每歲豐都額賦悉爲肩荷完納省無數差輸  
糜費暇則宣講 聖諭化導鄉民惠潮嘉道張公  
士璉獨器重之尤精青鳥術邑治初開相度學官  
基址並獻屋地三間以廣成之兼襄理倡建事

譚廷雋字特峯由廩生登鄉榜工文章樂善不倦日按功過格而行舉動語默以士先器識而後文藝爲正己化人之要務晚年著太上感應篇輯叅未刊而逝家藏鈔本因咸豐四年遭兵燹三分損一孫錫承修補之現梓行世

丁日昌字持靜別字雨生藍田湯坑人幼涉獵書史有神童譽弱冠補弟子員逾年食餼惠潮嘉道李璋煜聞其名延置幕中因縱談時事歎爲一世才咸豐四年甲寅土匪吳忠恕困潮州佐觀察防勦

豐順縣志

續修

卷之六

賢品

三

屢出哥計生擒渠魁事平授瓊州學訓導轉江西萬安知縣兼攝廬陵篆善於聽斷初期呈詞約在百紙第二三期僅四五十張匝月後不過一二紙而已李制軍瀚章時爲贛南道奇其才由是聲名藉甚曾文正公國藩督師兩江調赴安慶營襄辦軍務上陳吏治條議十則又陳丁漕諸弊議核州縣攤捐欸應裁者數十則皆洞中時弊同治元年權釐來粵旋赴高州營幫辦軍務克復信宜復赴上海督辦軍器克復無錫金匱等縣陞用直隸州

知州賞戴花翎蘇撫李公鴻章委辦全省行營營務克復常州生擒逆首偽護王陳坤書叙績以知府用是時仰膺

天眷不次超遷蓋將畀以大任矣署蘇松太兵備道旋奉特旨卽真上海自通商以來華夷雜處奸商駟僧潛結蠻酋洋商之狡黠者與官吏抗抵道任後驅夷兵出城檄犯事輪船充公索回吳淞口礮臺地基裁革會防局供應及英法兵費禁洋酋收洋涇濱賭規擊英教士陸和尚正法拔除浦東一路電線資遣

豐順縣志

續修

卷之六

賢品

十四

外洋流氓返國捕奸僧通事某置獄沒入其私購買輪船機器廠地移建製造局於南郭等事皆人所愕眙者然雷厲風行不少假借卒使諸酋聳慄去調兩淮鹽運使司兩淮利源一在鹽務一在釐務訂定章程積弊頓改未幾有署理蘇撫之

旨陳言曾文正公懇代奏辭有五不勝任之語旋奉

命來粵查辦洋務事竣回署適清水潭決口潰至三百餘丈籌費督修躬親畚鍤者數月及合龍溜急人力難施夜大雪降二尺許乘凍集人夫趕築大工告

成人以爲有 神助云遷江蘇布政司有清訟均  
漕減漕價墾荒田釐賦役勸積穀懲奸胥興水利  
諸政逾年任江蘇巡撫時江南底定甫三年耳民  
氣彫殘政籍蕩廢淬精勵神興利除弊前後清釐  
積案至二十七萬餘起之多其立法最善者日月  
報詞訟冊曰錢糧斗則簡明告示皆經奏奉

俞旨飭各直省仿照施行著爲令撫標兵籍舊承綠營制  
額缺而卒厥情不可用條減兵增餉議上之大意  
謂併三兵之餉養一兵併二弁之餉養一弁則兵  
弁皆可精選凡再奏始得

豐順縣志

續修

卷之六

賢品

十五

旨如所請於江海防水師章程亦多所叅定嘗言天下事  
壞於泄沓自思有以矯之每當夜闌秉燭案牘高  
可隱人無不親自稽核閱至百姪枉屈不能自伸  
或受書差陵虐撫膺歔悽然淚下或見勤政愛  
民諸事則呼慕僚相共欣賞撫吳時甫強仕不半  
年鬚髮盡白矣奉

旨赴津門查辦事件批卻導窾外夷叩首就約丁內艱旋  
里服闋奉



旨特召旋聞

穆宗毅皇帝升遐星馳抵京叩謁

梓宮痛不欲生

兩宮皇太后召對六刻所以拊循而慰藉之者甚至旋

派幫辦北洋大臣嗣任船政授福建巡撫夏間滯滌陡發

水災蕩析離居饑民盈萬露立城上六晝夜口煦

手拊之設粥廠二十餘處大廠日就食者千餘人

小廠數百人咸慶更生踰歲復災仍以其法設賑

全活甚衆臺灣者海外奧區也閩撫例須東渡巡

豐順縣志

續修

卷之六

賢品

六

閱先嘗奏言固臺防先必練兵欲練兵必先籌餉  
不如卽以開墾之衆資兵術則兵不外求而足以  
開墾之利助軍餉則餉不外求而足至是周歷全  
臺籌畫布置北自蘇澳噶嗎蘭南距恆春琅嶠皆  
開闢以來大吏所未經之處番民歸化夾道歡呼  
臺俗有漁戶等稅多立名目胥吏因緣爲奸輸於  
官者十取於民者百立奏罷之歲蠲榷額五千二  
百餘兩兼督學政援康熙間湖南苗徭學額例奏  
設番童學額以示招徠旋養病回籍聞甲士大夫

榜於衢曰留中丞活百姓祖餞東門多嗚咽失聲  
晉豫大饑在籍設法勸賑彙捐貳百餘萬圓解赴  
拯濟尋奉加總督銜會辦南洋海防並充總理各  
國事務大臣之旨卒以沉痾不起不能再出山矣  
朝野惜之照巡撫例賜卹賜祭葬性嗜書得宋元  
板精本節俸購歸之成持靜齋書目五卷詩古文  
詞皆卓然成一家言奏疏條議尤爲詳明剴切深  
入人心於漢之賈長沙唐之陸忠宣宋之歐蘇陳  
龍川諸家爲近著百蘭山館文集百蘭山館詩集

豐順縣志

續修

卷之六

賢品

七

撫吳柳陶奏稿撫吳公牘藩吳公牘海道圖說礮  
火圖說各若干卷平生喜獎植士類一節之長輒  
被容引其不束身自愛者則嫉之如仇以故世或  
病其峭厲然正人君子談及老成典型肅然起敬  
猶相與流連唱歎於無窮也子五人長惠衡由保  
舉 欽加鹽運使銜補用道 賞戴花翎具幹濟  
才有父風次惠馨廩生惠康生員惠迪惠吉俱幼  
學孫寶元廩生寶瑛由附生候補知縣

吳亦材號任齋城廂人生聰慧汲古有得品學兼優

年十四遊庠乾隆丁酉科拔貢丙午中順天舉人  
歷任龍門感恩等縣教諭嘉應州學正遷廣西馬  
平縣知縣廉明正直不枉徇人政聲丕著及致仕  
士民感德邀道相留家居後培養子弟儉朴如寒  
素而凡有善事則傾囊樂助邑中文廟考棚大橋  
文塔善慶祠皆其倡捐董建也壽八十歲道光十  
三年癸巳重遊泮水子四世驥廩貢生世馴武生  
世騏國學世驥道光乙酉拔貢舉人聯捷進士孫  
永燾同治辛酉拔貢永智光緒乙亥順天舉人永

豐順縣志 續修 卷之六 賢品

瀾郡增生曾孫昌 期郡廩生 坤順天舉人 識者謂三代選拔四

代北閩鄉薦修德獲報良然

張登瀛號雲颿藍田埔仔鄉人善草書尤酷鑑史嘉  
慶十五年由從九歷署浙江寧波府經歷奉化昌  
化慈谿等縣典史杖錫大錢漁浦司巡檢補杭州  
府城南稅課大使所至多惠政道光二十年丁丙  
艱起復補湖州府輦市巡檢二十九年辦水災積  
勞成疾卒于官年六十九歲子五人

張凌雲號濟川雙螺口人由武舉歷任潮鎮標饒平

惠來普寧鎮平平遠各營千總嘉應州城守巡防  
緝捕嚴肅認真且愛養兵卒體恤民情主將本欲  
委以重寄因念椿萱垂老辭祿歸養值歲稔施粟  
發賑並奉 憲諭捐題百石赴縣平糶秦邑侯奏  
給麟閣先聲匾旌之

譚宏詞大田鄉人嵩鷓四子讀書不售援例納監赴  
鄉闈復屢困性樸實而每逢朔望必振衣冠敬禮  
天地神明詣祖祠跪拜畢卽以 聖諭宣講或引

豐順縣志

續修

卷之六

賢品

十九

古今果報事感化鄉閭男女不自知人之嗤其狂  
者生平不解治產後家口繁貲日薄猶安常如故  
卒年七十歲其中子廷彥例貢白手創業乃立其  
父祖蒸祀子若姪亦皆體承遺訓而成家道焉孫  
晉泮璧明經煥乎昌熾

吳慶平號靜海璜溪田背人幼讀書負奇氣後因投  
筆習弓矢年十八登武科聯捷進士旋考充廣東  
全省塘務粵督吳榮光奇其才勗以忠勤盡職數  
語慶平心誌之廨中一切積弊釐剔殆盡公餘酷

嗜翰墨秩滿丁外艱歸里哀毀逾節遂矢志養母  
嘉慶庚辰倡建宗祠於文廟側身力不辭勞瘁繼  
乃結廬於天柱山下居焉顏其堂曰尚志門首署  
可以二字蓋取衡門詩以自況也手書栢廬家訓  
於屏風又集唐句懸廳事云無多別業供王稅未  
有涓埃答聖朝忠愛之氣溢於言表居鄉坦易遇  
事之有關風化者無不樂爲表率道光初里有違  
負官稅者慨然代償出其獄歲甲申鄉里因旱構  
釁幾釀巨禍慶平爲撫循之盃酒勸化懷甄鄭太

豐順縣志

續修

卷之六

賢品

二十

史家蘭贈以詩稱肝膽照人以爲季布彥方復出  
也家居三十年諄諄以詩禮種德爲訓卒年五十  
八歲子亦元至性過人綽有文風貢入大學孫家  
桂恩貢鯁廩生

吳世驥號蘭皋城廂人亦材季子也七歲嫻韻語少  
抱壯志博通史籍膽識俱高年十四遊泮十八歲  
選拔弱冠充武英殿重刊康熙字典校錄官選授  
西甯縣教諭年二十七舉順天鄉闈癸巳聯捷進  
士 欽點禮部主事歷任精膳司主事遷儀制司

員外郎掌祠祭司郎中兼樂部和聲署署正禮部  
則例館提調 實錄館校對京察一等記名御史  
以繁缺知府用在京供職十餘載所辦條疏及吏  
治事宜皆洞中時弊僚友服其賢乃天不假年卒  
時五十一歲公論惜之

朱鳴玉 陷隍人由廩貢考授韶州仁化縣學蒞任三

豐順縣志

續修

卷之六

賢品

三

載捐廉倡修 聖廟學署明倫堂勤勞任事心力  
交瘁且課督士子誘獎維殷都人士感其化兩春  
風以勤廉載入仁化縣志卒年六十六歲子炳南  
炳欽孫之點俱馨序蜚聲

楊九疇號龜川紫荆洞人歲貢選授博羅秉鐸每朔  
望必傳肄業諸生講經義詩文於學舍正誼明道  
丕變士風人目爲龜山復起旋卒於任壽七十二  
吳翹號傅衢道光己酉拔貢新陂鄉人父逢時爲邑  
諸生居心仁厚翹誓承父志家貧舌耕以供甘旨

每歸視膳則縷述邸抄時事以博餘歡乃父在日  
嘗舉歐公養不必豐要於孝之語以慰之尤篤友  
愛終歲罄脯修之餘分給兄弟其家法整齊子與  
姪輩諄諄課督成材食餼後痛濫保陋習慨然以  
誓墓自明至於裁成後進在本邑鵬湖爲最歷掌  
饒平琴峰揭邑梅江等處書院士林皆以品學推  
崇咸豐甲寅土匪滋擾同治乙丑髮賊竄境獨在  
局籌防出力原授訓導銜蒙內獎以知縣用晚年  
倡修文廟籌理賓興諸務壽逾古稀而卒丁制軍

豐順縣志

續修

卷之六

賢品

三

日昌誄之曰巋然靈光云

一材能

張乾福字洪塘建橋鄉人少負奇氣有勇畧粗識文墨酒食倍常明隆慶三年寇賊黃瑞結黨倡亂自江西及興長程海等處遭劫殺者不知凡幾乾對父母與子姪輩曰人生必先重君父恩後顧身家事方今賊勢猖獗難免覬覦吾家若不聯鄉井而防患置礮械以禦侮將流離失所矣時適大理寺卿陳公仲謀膺王命巡按閩粵路經此地相度形勢上隔程鄉下界海陽均屬鞭長莫及並確查

豐順縣志

續修

卷之六

材能

一

寇亂實情出示招募丁壯堅築土城團防堵禦先是乾稟明大憲尚未發兵至是慨然散家貲萬數統集民兵數千投効陳見乾人材雄偉且有深謀星飭馳京章奏並保准乾爲六品鄉都長僉軍事仍一面督率人役大興土木深溝高壘立東西南北門置銑礮四架聚族鄰備戰守越一月奉

特旨諭云爲國爲民不負勤王之意有謀有勇堪稱健將之勲着封爾張乾福爲武德將軍以示鼓勵餘俟滅盡賊黨再加爵賞可也乾於是統義勇復會閩



粵撫按官兵協同攻勦奮勇前驅深入賊巢生擒  
賊首黃瑞楊魁吳安山張欽鍾鳳等五人並殺斃  
賊將兵數百餘皆潰竄寇悉平

蔡鳳原籍澄海移居赤嶺鄉由行伍於順治十二年  
海寇攻陷揭普澄三縣鳳隨饒鎮吳六奇軍前効  
用及藩院大帥營駐紮新墟吳鎮保獎以隨征戎  
旗守備銜十八年征剿揭潮山寇黃元尚等有功  
康熙元二年前後奉委招撫偽鎮杜輝吳陞等投  
誠並會剿太埔木窖賊首黃以萃屢著勞績加管

豐順縣志

續修

卷之六

材能

戎旗都司銜十三年潮鎮劉進忠逼叛平南王率  
師征討奉令領帶官兵陣戰斬獲叛夥多人王嘉  
其績獎授守備十四年奉剿店前賊首王元偉王  
蘭等各處賊巢王復從優給賞加授都司管事仍  
委鳳統領官兵防守要隘地方遂賴以安其子得  
功以年力強壯歷練老成補右哨六局二旗管隊  
孫進以年力精壯勤慎練達補右哨北門副管隊  
楊孟號翠華逕心堡人少負勇畧倡義捍衛順治初  
隨吳六奇征討巨寇鍾凌秀葉阿婆等屢立戰功

勞績迨六奇開府饒平歷陞授中軍參將駐紮三河接濟軍餉軍旅所至蒼赤皆安後歸隱葉華村樂善不倦

朱樑號秋壯下湯社人有膂力諳兵法順治十二年由行伍補授饒平營千總防守緝捕勤慎任職且訓練有方鎮憲嘉其能保陞大埔城守營守備康熙九年流寇逼城樑奮力殺賊賊潰散以功擢大埔管遊擊十五年赴廣州援剿克復龍門縣叙功加副將銜調補廉州營遊擊擒獲逆帥祖澤清凱

豐順縣志

續修

卷之六

材能

三

積勞成疾旋卒於靈山官署壽六十二歲崇祀縣學鄉賢

一忠烈

明吳萬雄松林社當風嶺人歷任總兵崇正時殉難

吳廷楨任總兵鼎革時殉難

譚聖典字啟中大樞鄉人雄於文而意弗專尚食儉

程邑為諸生所憚日與諸子姪輩勗忠孝節義謂

人不如是雖文如王楊終屬名教罪人迨甲申變

作其子經綱及諸孫同殉難義方之訓良不誣云

國朝連旭陷隍下埔鄉人壯士也少有胆畧家貧捕魚為

業嘉慶初海寇竄起蔡乾餘黨沿海擄劫勢甚猖

豐順縣志

卷之六

忠烈

五

獬旭與林孫陳之艷同夥捕魚被擄賊見旭等體

貌魁梧且慣習水留為羽翼旭如許之適中秋夜

賊在船肆遊賞月旭乘醉擒賊首數人而獻總戎

黃標論功加旭三人為把總後屢建奇勳授香山

協營左哨千總陞達濠營守備嘉慶九年廣府屬

海寇復煽黃總戎知旭能使捕盜濠洋面與賊敵

戰身負銃傷猶手刃數賊而卒寇平

朝廷褒嘉其忠烈賞給世襲

張萬達藍田埔仔寮人登瀛少子也幼孤事母孝援

例報捐從九品分發浙江補用咸豐十一年秋待  
母陳氏寄寓杭城純佑橋適髮匪圍杭城陷罵賊  
不屈隨母殉難聞者痛之事平巡撫馬 新貽列  
其事奏於

朝廷奉

特旨賜卹加贈鹽運司知事銜廕一子入監以縣主簿歸  
部選用

黃大鵬金湯市人猛勇絕倫由行伍登陞黃岡協右  
營把總咸豐二三年間隨栢中堂俊從征江南大

豐順縣志

卷之六

忠烈

六

營攻鎮江城斬殺賊甚衆旋被礮傷陣亡

蔡德新藍田都人由行伍於咸豐四年土匪吳忠恕  
圍潮奉惠潮嘉道曹履泰檄委帶勇守東橋頭筆  
架山擒賊多名屢獲勝仗經鎮憲賞給六品頂戴  
復冒險攻破東津等處賊營郡圍立解總督葉巡  
撫栢 貴奏

准以千總留提標水師營補用咸豐九年髮匪石達開圍  
嘉應奉州憲文公晟諭帶勇赴援德新教其子六  
品頂戴清泉從九品淵泉姪思創阿鸞阿連先帶

勇進城助守自與子龍泉親往突圍奮不顧身衆  
寡莫敵遂被賊困父子並所帶勇三百餘名同日  
陣亡同治七年江蘇巡撫丁日昌將其帶勇陣  
亡情形入奏請優卹是年奉部覆准追贈守禦  
所千總給予世襲雲騎尉襲次完時以恩騎尉世  
襲因替並祀昭忠祠纂入忠義傳思創龍泉清泉  
照馬兵例給卹阿鸞阿連均准附祀淵泉協守梅  
城城陷巷戰陣亡經州憲汪政詳報粵督勞

崇光奏請優卹嗣奉部覆准與嘉應州吏目尹

豐順縣志

卷之六

忠烈

七

細伊等十人同給予世襲雲騎尉襲次完時以恩  
騎尉世襲因替同治十一年德新長子鑑泉淵泉  
子湘均由縣備造宗圖冊結親賫督署經閱督瑞  
文莊公麟閱驗均發潮州鎮標差遣委用十二年  
到營効力

丁爲龍藍田石印人廩生因遊幕粵西在梧州知府  
陳瑞芝署中襄筆墨咸豐七年逆匪圍攻府  
城爲龍隨同在城文武官員登陴固守是年八月  
初十日力竭城陷帶勇巷戰手刃十餘賊受傷倒

地罵賊不屈被賊抉舌破腹登時殞命同治七年  
江蘇巡撫丁日昌將其死事情形入奏奉

旨着從優議卹嗣准部議照外委陣亡例給予雲騎尉世  
職襲次完時給予恩騎尉世襲罔替其長子堯釗  
承襲世職於同治十一年取具親供圖結履歷文  
冊赴督署驗看經閣督瑞驗明發標學習

一孝義

明朱月嶺正德時上林鄉人佃儻義俠嘗置舟借僕漁釣溪中夜聞岸上呼救往則二婦人也詢知福建上杭人黃姓姑媳二人爲賊所掠奔逸至此憐而載歸安置一室給以衣食夜則重其鎖鑰卽致書其家約期來領厚贈資費以歸越數年夫婦來謝適已謝世備極哀痛爲披麻哭泣而去嘉靖間海陽令採其實上報舉鄉飲賓子起凡亦以孝友著崇正間舉鄉飲賓

豐順縣志

卷之六

孝義

楊最生員母朱氏患眼與妻晝夜舐之復明嘗爲甕牖寢處二銘傳家有子世喬天啟丁卯舉人

國朝羅明倫字德振號未能藍田上陽人生而穎異十歲能文中順治庚子副榜癸卯再中副惠以義命自安無舐望意生平制行溫厚事父母繼母以孝聞捐已田二百畝爲兄續嗣人偕稱之

賴心台金甌寨人順治初九軍賊圍寨危在旦夕心台夜半闔門失圍而出詣通判府請吳六奇撥兵救護復於夜半潛回被獲賊令心台誘開寨門台

不從卽斷去手足焚其屍金甌賴以保全

李佳瓊小勝鄉人好義樂施康熙丙子丁丑游飢斗米四百按家給粟按畝借種鄉人咸得其惠雍正丙午丁未又游飢斗米六百郡中賑粥鄉民艱於遠赴復爲按口酌給鄉無死者前海陽令顏敏會旌以匾曰齒德堪仰現年八十三歲

張瑋字文賚建橋人生員爲人約已好義鄉之石碑下係海程孔道崎嶇難行捐重資開闢之鄉有甲坑溪水深病涉建橋以利行人又脩一渡水橋凡

鄉之死喪無所歸者周恤不倦年至八十五歲

羅孟震字德宣上陽隆烟寨人國珍子貢生候補訓導改選主簿雍正四年五年揭邑歲稔煮粥賑飢倡建慈濟堂施樁掩骼買山作義冢部旌好義又捐舖租助祭文廟

楊安定金甌寨人澄海縣學歲貢生平質直好義值雍正丙午丁未游飢捐金倡賑族黨咸得其惠

羅鏞字裕聞號龍峰上陽人基恒長子揭學增生雍正七年學院鄧公鍾岳舉優行事親以孝聞生平



輕財重義族有貧者助其聘娶友負糧不能納代  
爲輸之嘗借人夜行望氣堪得白金千兩堅不受  
康熙丙戌歲舟泊產湖適溪水暴漲淹及村舍捐  
穀拯救活數十人雍正丙午丁未洊飢爲揭邑長  
力陳賑術仍自捐囊佐賑當事給匾旌之卒年八  
十有二子起濱武舉餘列成均

楊兆璇布心社人年十四其父楊熙俊歿母張氏撫  
之雍正十二年母病幾危醫藥無効璇日夜哀禱  
於佛前夢佛告以人肉可療璇隨割已之乳肉烹

豐順縣志

卷之六

孝義

三

以進母母不知食之病果愈而璇亦痊復如故

吳一孫字正伯在城人生員原海陽縣知縣張士璉

治海時以豐政都離治窻遠民多抗糧委理糧務  
催輸得法爲鄉約長公正不欺原潘田司巡檢沈  
元震解任未及一月母故不能奉柩回籍葬於邑  
屬尖髻山許孫看視孫爲之脩葺祭掃一如已墓  
四十餘年未嘗少衰且謀立祀產以期久遠現年  
七十二歲前邑令王如珩給匾旌之曰延陵碩  
彭昌孚下湯社新福園人讀書不遇家居力農爲人

一介不取而性樂施濟乾隆四年饑里有鬻妻子者爲立賑穀百餘石先本族後鄉里全活甚衆乾隆七年大旱孚卽會請鄰族出穀百餘石賑之有詣門謝者却不受卒年六十子孫俱入太學

李少溪明季庠生原大樞社人移居北勝社小勝鄉居家以孝友稱遇鄰里有故多爲排解足跡絕不履公庭今爲李氏始祖其祠曰孝友堂族姓蕃衍子孫賢達蓋彬彬焉

朱月嶺救婦人一事旣載誌而其事父母順志承歡

豐順縣志

卷之六

孝義

四

善歸親過歸已及親歿勺漿不入口三日者尤人所難當時有勸其節哀者嶺曰吾何知哀率吾性耳旣而扶榭葬北山麓築室墓傍事死如生居喪三年未嘗見妻子面遇烈風迅雷卽焚香大呼曰兒在此父母無恐也服闋仍獨居三月始束裝歸同里孝廉譚廷儁直書其事載入感應篇作註證以勵風俗海陽學角忠義孝弟祠春秋崇祀至今後嗣蔚起科名富盛猶徵遺澤孔長云

吳崇鑑字嚴質豐政都人幼有至性乃父爲小經紀

貿易程鄉行至大歧嶺下遇暴疾卒時鑑年方九歲聞耗星夜馳往視之則螻蟻負土成坟矣羌留顏面一時呼籲隕絕哀感旁人遂葬乃父於其處卽今所稱蟻地是也居家孝友仲兄早世爲續遺孤視如己出分產時弟兄交讓有泰伯季子風一日告其母曰家道寢昌全賴祖德欲在瓜子塘地面鳩一本以建祠何如母喜諾遂納土構焉至賑貧乏助喪葬建立義田義學等舉鄉人多賴之卒年五十九歲豐政都吳族蕃衍大半是其派下

豐順縣志

卷之六

孝義

五

吳廷魁號亮臣南廂高田人幼失怙五代零丁事母以孝稱稍長高曾以下墳墓俱經手葬併置祀田生平涉獵經史諸子百家無不披閱兼通算學青烏歧黃等書及壯隨饒鎮吳六奇征勦以精算法運籌決策所到成功奉

旨恩賞鎮國將軍銜隨營選用尤能招集流亡使人安居樂業因親老辭歸嘗僑居潮城遇異人待以客禮出秘書二種一青烏一歧黃且曰助公濟世無不效者至今各省外洋皆馳名卽其秘書中方也埔

邑銀溪口墟貿易多年有病涉魁捐設義渡且置  
產以垂永久咸利賴焉子十三五代同堂孫曾九  
十餘人壽八十二歲而卒

鄭宏號公毅環清鄭家園人 國初定鼎歸總兵蔡

元管援勦有功授連州千總陞都司順治十四年  
總督洪保奏封昭義將軍爲連陽遊府嗣奉

旨將部屬額糧追解以備支給宏分別征收深得民心州  
人因立生祠供祀晚年解組歸撥田八畝三分作  
園基族人賴之

豐順縣志

續修

卷之六

孝義

六

吳 鳴國學生橫坑社人父子昂夢迅雷震庭電光

耀室驚寤而鳴適生遂命名鳴字成震號夢先誌  
其異也幼聰慧以文名通經史尤熟周禮爰納監  
赴南北闈屢躋其父勗之曰爾讀書當以報本型  
俗爲先官貴功名天定之敦善積德我主之若不  
顧祖宗惠鄉黨亦虛立人世吾老矣爾其善承吾  
志毋忽父歿悉遵遺囑舉行遇歲飢則盡量賑濟  
遇爭競則極力解排有善必爲不求人知創建五  
世十世兩祖祠貲雖鉅身獨任之更自創屋一座

堂額曰志事蓋取繼志述事之義也

生子四孫十六書香繼起

丁口蕃衍尤喜親見其子元發登武科孫慶平聯捷進士以德召福有自來矣

劉登魁崗下園人拔貢生敦品力學工書法以孝行聞親病躬侍湯藥衣不解帶廷試後惟資穀以供菽水循循善誘名下士多出其門洵屬有光藜閣矣

吳文緯號愛亭成震之四子幼業青緗長遊璧沼後仍五赴棘闈不售家法整肅凡祠宇墳墓莫不躬爲治理事諸兄怡怡如也乾隆乙卯歲大祲竭鐘以貸鄉人多德之一日某氏子牽牛踐田有隣叟

豐順縣志

續修

卷之六

孝義

七

見而讓之曰此吳封翁續命田也何忍犯諸其見重於人如此歲值疫癘頻聞緯命其子贈藥施醫全活無算或遇水旱察佃所虧均減其償聞佃戶鄒某遭凶荒將鬻子緯廉其情轉與之粟而蠲其租鄒啣其德惠記念不忘後將謀他徙星夜獨持十餘金踵緯門以償舊逋緯固却不受乃謝而去其生平長厚仁慈壽六十三而卒邑令傅公修孟誄以善行可風族姪禮部郎中世驥述緯行狀亦以山負海涵余膺所服稱之云

譚深號懷川大田鄉人由監生舉於鄉任曲江教諭  
興學校勵氣節正文體諸生具贊概不受有貧寒  
者時周恤之類宮圯廢捐廉重修莅任三載告歸  
彼都人士呈請額留立去思碑居家馭下嚴而恕  
教子孫毋奢毋傲毋比匪敦族睦鄰晚年喜讀濂  
溪手不釋卷患氣疾端坐而逝遺命戒子孫永不  
得用浮屠後人至今遵之

譚益盛葛布鄉人讀書不拘常解不徇時好雍正甲  
辰登鄉榜出宰於潛化澆俗長仁風環潛七邑稱

神君焉兩次充浙闈同考及致仕草服芒鞋怡情  
山水省存薪俸之餘悉均弟姪有稱其友愛者曰  
非也吾親在貧不能奉養今以贍父母之子孫特  
少補前日之罪耳餘若磬道途恤貧乏人咸德之  
譚嵩鵬深之次子由國學膺鄉薦兩任閩中漕大使  
再爲羅源等邑宰均未期年而遷及平和素稱巖  
邑觀政數閱月而民皆息爭嗣調歸化宰理六載  
重整圭山書院增膏伙多立鄉學設惠民倉教養  
兼盡因不阿時好解組歸田邑紳赴府籲留者人

滿衙署循聲載道因相爲製錦貞珉建祠去之日  
攀轅泣餞護送三十里生平孝敬父母母早故每  
臨墓涕泣父偶不豫旦夕侍湯藥衣不解帶及丁  
艱哀毀骨立率諸弟守坟其性行類如此

丁賢拔藍田都金湯人制軍日昌之父也性慷慨好  
義矜恤孤貧凡有善舉莫不樂而爲之湯俗素好  
勝遂釀成紅白旗會頻年械鬪不息拔則力爲婉  
勸解釋讐仇自出貲財具酒席邀請兩造叙好幾  
至傾囊並無德色復倡集九十兩圖建藍田書院

豐順縣志

續修

卷之六

孝義

九

作偃武修文盛事隆師重道遇修儒之困頓者遠  
邇多蒙其惠至於篤本支敦戚誼皆無非至誠至  
性以啟惕孝弟忠信之端壽終六十有五生子七  
以第六子貴贈光祿大夫

王耀曾環清高屏圍人節孝歐陽氏子幼而穎異跬  
步必謹凡出入起居悉遵母訓晨昏定省曲盡承  
歡及長專事詩書正誼而不謀利遂遊庠食餼旋  
由歲貢選授儒學生子七次子逢壽舞勺采芹三  
薦鄉闈以優廩舉孝廉方正逢聖逢萬逢紀及孫

利賓年十四俱親見泮藻聯芳其時儒學張公夢齡旌匾曰竇教蘇傳夫婦壽逾九旬孫曾繁衍鄒纘功字宗煌號留窰璜坑人幼失怙煢煢孑立母彭氏每篝燈紡績督其勤學圖上進稍有倦怠則含淚切責纘於是悚惕發憤領會師承窮研書史年十九府試冠軍入泮旋食餼明經作歲貢嘉慶五年出仕廣州儒學如其官封贈父母生子萬成庠生成章外委孫觀光國學

連善和陷隍下埔醫生也性至孝母病劇效岑叟嘗

豐順縣志

卷之六

孝義

十

糞以驗之及母未葬寄柩河干和日夜不離左右一日洪水陡至和只顧母柩不懼洶濤見者以爲必死於水矣而竟無恙一夜柩前有虎嘯和偃臥柩旁虎不敢近人皆竒其孝感所致而孝子之名大著邑侯訪得其實給孝行可嘉匾旌之

楊汝弼字簡恪監生金甌寨人公正和睦篤實謙光乾隆十一年舉爲鄉賓 恩賞八品冠帶江邑侯廷隆旌以匾曰德望流芳五世孫成魁舉人成玉歲貢成梧監生



張璋字文遠贈文林郎建橋鄉人大元四子幼失怙  
事母彭氏人皆稱孝每朔望及二分節必親至父  
坟哭拜日晡方歸生平質正持已勤儉成家娶配  
朱氏亦克全婦道遇族戚貧乏不吝解推雍正時  
洊饑出穀二百餘石濟賑全活多人且重道隆師  
設鄉學立祀蒸修橋路施庵寺凡有善舉皆所力  
行卒年六十八歲四代一堂生子四人權作科進  
權達權中俱國學孫本立增生承立考授縣主簿  
千秋乾隆辛卯舉人其餘文武科名後嗣繼起

豐順縣志

卷之六

孝義

十一

黃子信監生城廂人持身儉素處世謙和家饒裕而  
施與之事敦行不怠乾隆間由閩汀永定營葬父  
坟於邑屬產溪嶂背鄉因卜居於欖秀街構書室  
以培育人材士林羨之壽七十六而卒舉丈夫子  
五

譚斯政字玉緒贈儒林郎大田鄉人隨父在南遷居  
靈水鄉生平廉潔自持守正不阿取與之際毫無  
苟且鄉曲間稱長者焉在家課農勸學矩矱先人  
生五子皆成名孫曾林立詩書相繼

鄒宗智璜坑上興圍人生平潔清自矢勤儉起家乾隆間納監加衛千總銜乙卯大饑捐貲助賑存活甚衆族黨借貸不責償聽自便舉丈夫子二貢監各有成立親睹兩孫登科夫婦齊眉享壽八十七而終鄉人沐其德私謚曰良抑迄今人文熾盛

張廷高號雲峰雙螺口人性慷慨弗慳餘囊好行義舉嘗於本境磔下庵仔塘倡建佛寺爲民祈福取民物滋豐之義顏曰永豐欲人顧名思義也鄉之隔仔裡地方路通馬頭社渡梅嶺一帶羊腸鳥道

豐順縣志

續修

卷之六

孝義

三

行人多病崎嶇因捐貲攘剔或砌以石或築之橋往來皆便遇族鄰貧乏尤賙卹備至其德澤所流傳後裔宜蕃衍也

吳子聰璜坑社人幼時未立家室及壯肩販生理見鄉鄰構書舍輒樂助工年四十二始娶妻生四子咸勗以讀書隆師重道供膳必潔婦亦極知大義凡送塾盤匱務親自檢點第三子會深蜚聲庠序欽賜副魁孫佩蘭郡庠曾孫鵬副貢書香接踵枝葉蕃昌人以爲殷勤之報

張鴻翔號樂山雙螺口人援例入國學謙恭節儉不事浮華惟以敦睦孝友教家人坦易和平處鄉黨乾隆三十二年大水陡發溪流中獲一屍骸腐敗莫辨細跡之復檢得耳環始知其爲婦人因出貲收葬名曰水遇婆且永爲承祀衆論韙之子五人長文光監生次凌雲武舉三文芳歲貢四際雲例貢五文思廩生

張鴻舉雙螺口人國學生性情端厚睦族和鄉平易可親友愛篤雁行之雅笑言不苟排解消雀角之

豐順縣志

續修

卷之六

孝義

三

爭而且建修寺院軫恤孤寒嚴道義於一介施丸藥於四民衆善奉行終身不怠人多稱感之

嚴自盛舉鄉賓與官勝東俱大勝人雖異姓猶骨肉也好義樂施雍正十三年倡建盤石寺同施出有糧田糧山在寺前左右永爲香燈尤喜修橋路多金不吝迄今子孫昌盛足徵樂善之報焉

何之瓚棠荆鄉人捐授州同性醕謹質直好義和易待人嘗以平安卽福一語囑子孫作韋佩咸豐十一年市井無賴睚眦構釁勢等燎原幾釀巨禍瓚

之裔孫監生何作柱等體其先祖之瓚遺訓並奉  
憲諭設法排解卽將瓚嘗抽出銀五百圓力爲調  
停事得寢息知縣倪灃嘉其厚德傳芳復旌匾曰  
誼敦桑梓瓚之孫支亦見蕃昌衣冠繼美

何應彬棠荆鄉人監生持身謙厚處世和平與人交  
終日相對無疾言遽色勗子弟耕田輸課讀書揚  
名諄諄不倦素志如此生子四長日熾庠生次日  
銘國學三昌言歲貢四濯錦廩生孫曾多列秀監  
城北建普濟橋濯錦分董斯役往來遠處勸捐皆

豐順縣志

續修

卷之六

孝義

十四

自備盤金不取給公項人皆稱其廉而好善

羅允昭大勝人恭敬明神不憚煩苦乾隆十三年夏  
旱盤石寺佛田涸昭胼胝手足濬鑿溝渠灌漑之  
檀樾主官嚴兩姓憫其勤勞因立牌名供祀寺內  
彭秉才字定邦下湯見龍圍人天性孝友奉庭幃間  
視定省無虛日父歿則情文備至卜吉葬於黃母  
塘湯池地離厝十里廬墓三年孝思不少衰及母  
故亦如喪父禮卜葬禾坪凹復廬墓越年疾作家  
人促勸回猶依依不允去尋病劇輿回家卒

吳元發字瑞齋璜坑社田背鄉人中乾隆辛卯武舉  
勇藝超羣且疎財仗義與本邑武舉朱應魁同赴  
會試乃抵京朱遽患病元發力爲延醫調治輒罔  
效復備衾棺殮具科場竣卽親歷艱難扶柩舉直  
至朱家所有盤川用費不吝餘囊亦並不索朱家  
人致謝其矜氣誼世人所難後元發卒朱之妻子  
聞訃哭往執喪以報其義至今猶嘖嘖人口焉

楊玉華紫荆洞人例貢玉祥同懷兄弟也和厚寬平  
倘儻好善遇建修賑濟之事必實力奉行尤篤孔

豐順縣志

續修

卷之六

孝義

十五

懷寢食必共天倫樂事近世罕見立祀典設學租  
且構家塾延師教子弟造就成材每課日必設盛  
饌爲師潤筆子五人上兆炳龍庠生培清國學

楊國秀紫荆洞人楊貞曾孫慷慨豪俠與中書楊中  
龍交最厚未遇時屢贈之他如修橋路周貧之量  
力而行並無吝色尤重師儒有德行者必尊禮之  
卒年八十六歲子登榮十四歲遊庠孫曾蕃衍

鄒慶昌號兆平宗智孫嘉慶甲子科武舉由兵部簽  
掣漕標以把總用性嚴正課督後進不偶恕排難

解紛人多畏服又道光間商同邑紳倡建普濟橋  
往來行人咸利賴

鄒鵬飛號雲衢宗智次孫中嘉慶丁卯亞魁兵部簽  
掣督運銜歸潮鎮左營効用當事嘉其材能欲委  
任適丁內艱旋里服闋後竟甘居林下時論惜焉  
居家隆師重道課讀勸耕好施與園南有溝堤灌  
溉糧田數百畝屢遭大水衝嚙輒煮粥召衆以勸  
築之聞子弟呶唔聲慇懃獎勵不啻口出尤整飭

豐順縣志

續修

卷之六

孝義

六

鄉規聞有販鴉芙蓉戲樗蒲者必詣縣請示禁絕  
而後已卒年五十四歲第四子清華廩貢生次三  
俱庠生孫支競秀

陳其昌陷隍人樂善好施凡祠墓庵廟道路橋梁無  
不捐貲修建咸豐四年土匪擾亂奉憲設局籌餉  
防勦朝夕勤勞七年及同治三年十年饑饉洊臻  
斗石騰貴倡捐平糶鄉人德之知縣李洪毓特爲  
撰讚並旌以匾曰有裨鄉閭卒年七十七歲

吳世驥字策斯城廂人廩貢生天性真摯襟懷豁達  
弟世驥有夙慧其封翁亦材以偉器期嘗嚴督責  
未免過逼驥悚恍若不自容驥因窺其意善爲誘  
掖一應書金京費始終周全遂致其弟揚名顯親  
恩義兩無遺憾僉謂新進士泥書帖固由乃父勗  
之亦賴乃兄成之也湯坑向有紅白旗會鄉糾鬪  
頻年不解四民廢業流爲盜劫凡交界貿易通衢  
行人皆裹足不敢近適驥在湯夥營質庫不惜貲  
財一一爲之和解彼都人士至今稱道不衰知府

豐順縣志

續修

卷之六

孝義

七

易公中孚嘉其辨和之賢能特獎以玉種藍田匾  
子永燾拔貢永瀾十四入泮補增生永熾俱國學  
吳玉鷗號伯璣南廂高田人候補府經歷幼聰敏善  
事親母病頃刻不離嘗籲天願以身代及母故哀  
毀盡禮服闋隨副將吳標平獠亂於平定連陽等  
處叙功保陞將蒞任復丁父艱回籍遂終老焉次  
子啟瀨國學乾隆間知縣吳蘭濛舉爲邑賓旌以  
善著鄉評匾生平以正直好善聞

吳光祖號健中新陂鄉人由監生加授衛千總幼聰

明英偉喜讀書因祖父年老倦勤遂膺庶務性慷慨凡應祀廟庵祠墓以及橋梁道路皆不惜貲財修建咸豐四年寇匪逼境驚擾人心光祖抱恙亟請知縣敖翊臣諭飭各鄉紳士設局籌捐集義勇團防堵禦詎匪擾大田鄉光祖自捐千金鼓率團勇遂得殲厥巨魁餘孽殄滅地方賴以安全生平喜勗後進嘗於其敦倫堂設文會課合宗姓之士類而品評每年無間族戚寒畯尤加意周全他如賑饑平糶排解紛爭人多稱感子騰飛廩生騰清

豐順縣志

續修

卷之六

孝義

六

騰高騰琛俱國學孫世熙弱冠進庠

楊新號銘三紫荆洞人楊貞七世孫也品學純粹有文名饒著作英年食餼膺恩貢最善講解生平教授生徒成名者甚衆咸豐四年甲寅土匪逼城設局團防鄉里安堵知縣敖翊臣獎以清白家風四字子錫綸監生

詹文楷大溜隍人廩生篤志學業立品端方鄰里欽之道光二十二年李觀察璋煜舉爲溜隍約正遇事秉公屢肆肅然咸豐元年以方正二字題匾旌



之壽六十五歲

朱肯堂字繼之，隰東深村人。捐職州同。生平急公好義。道光十年，潮橋鹽餉虧缺，慷慨捐貲助補之。經布政司李獎給義以為上四字匾。十二三年，潮屬大饑，設局賑濟，保活甚多。至今口碑載道。咸豐四年甲寅，土匪滋擾，奉憲辦團，自捐粟五百餘石，又捐軍餉四千兩，以資防堵。詎賊匪猖獗，陷市被陷，肯堂手不能刃，賊為賊窘，逼憤懣死之。追賊首古聲揚，就戮餘孽，勲平在事。貢生彭景雲訓導譚史

豐順縣志

續修

卷之六

孝義

九

等因聯名呈請獎卹。知縣敖翊臣以賊迫捐軀，共推清白，應卹給匾式以慰幽魂。批准詳行道府。經吳郡尊均彙詳獎叙。卒年五十八歲，生子四長。錦池由增生選用訓導，次錦洲由廩貢籤分兵部主事。現廣西卽補府，加道銜三。錦淮選用縣丞，四錦濤例貢生。諸孫多採芹香，一門濟美。

楊蓉初號錦江水頭洋人，恩貢生。博學能文，彙筆韓江榕浦間學者多宗之。性廉介，當路之門非公不。至咸豐四年，土匪寇警在局籌防出力。知縣放經

保獎六品頂戴壽七十歲

張錦帆號星槎雙螺口人郡廩生八歲時父既見背幸其兄文瀾勵以學遂篤詩書早年冠軍入泮居平嚴氣正性不務浮華惟敦任郵道光十二三年連遇饑荒帆家本非素豐見貧乏者每賙恤之幾至典物傾囊而不惜復倡集鄉中父老及殷實家勸捐米穀銀錢設廠監督賑濟全活甚多生子二長作猷歲貢次建勳列成均孫曾書香未艾

張文山號春嵐雙螺口人歲貢素有才望博學能文

豐順縣志

續修

卷之六

孝義

三

應秋闈屢房薦不得志旋教授生徒出其門者多知名士畢生謙恭和睦質直謹厚鄉鄰族黨構釁爲之排解無不帖服咸豐四年土匪逼境山在局督辦團防朝夕勞頓事平上憲論功獎賞山曰平寇破賊國家之福官民之幸於我何有堅辭不受功獎同治九年倡闔邑重修學宮分董其事終日無倦容其樸誠遜讓類如此壽七十四歲子伯明附貢勵真庠生後嗣昌熾

劉東福環清劉家圍人善事孀祖母王氏以孝聞生

子玉樹聰明穎異弱冠米芹知縣許 炳嘗贈以  
詩有謝家玉樹不凡材生長鵬湖錦繡堆之句後  
玉樹愈加勉勵攻習舉業旋選廩貢屢赴棘闈於  
光緒壬午科 欽賜副貢人以爲母節子孝之報  
鄭超然號可凡環清鄭家園人庠生其父染喘症母  
王氏患瘋輒步履尤艱超百般延請醫師調治晝  
夜扶掖奉侍至二親歿故厯數十年無稍懈其妻  
鄧氏亦克相夫而盡婦道深得親心洵爲夫倡婦  
隨人皆賢之

豐順縣志

續

卷之六

孝義

二

鄒錦洲字往瀛璜坑上興園人幼讀書不遇援例納  
監鄉鄰有詬誶者必與禮讓解之咸豐四年土匪  
滋亂倡集義勇團練堵禦鄉里賴以安居恆布衣  
蔬食彬彬儒素家風尤以讀書守分訓子姪卒年  
六十八歲子世莊捐授州同請封二代

楊智周號慧軒紫荊洞人郡庠性廉介尤敦孝友居  
平教學遇貧苦生徒不取脩脯咸豐四年同治四  
年兩次土匪寇警設局防禦有功經知縣敖保獎  
六品齋居嘗賦詩云無人知爾方爲貴有地容吾

不負貧立腳莫隨流俗態持身休愧讀書人可以  
想其志行矣

楊紹微字肯堂監生砂田人敦孝友愛姪若親生偕  
弟監生紹光治家整肅男女七十餘口皆和樂同  
爨不分居且喜修橋路助建文廟修祠墓置嘗蒸  
咸豐六年土匪寇擾市無米鬻施穀救贖人賢之  
鄭江山潘田社人事親至孝其母病篤服藥無靈與  
弟招發茶湯服侍時刻憂煩因再四詰之醫者答  
云此非人肉莫可療矣江遂拔刀自割左腕肉一

豐順縣志

續修

卷之六

孝義

三

塊重約兩餘卽欲烹而奉母忽昏倒在地幸救獲  
甦厥後母病亦愈

余金聲潘田社人早失怙且家貧因爲人傭工度活  
每回家省母必市肉親自烹而進側立俟母食竟  
然後退蓋恐母老愛憐幼小分其餘甘故也母嘗  
患目疾痛苦不安屢以舌舐之忽一日聞母呻吟  
淒楚無可救解金聲愀然引刀自斬其左手食指  
爲母分痛此天性之孝流露而不覺也

陳林濤字松軒潘田人附貢家頗饒裕讀書明理恤

孤憐貧咸豐丁巳游饑斗米千錢減價平糶遇困窮無告者免其穀價酌給量子多受其惠且性廉正公平排解紛爭人胥帖服伯兄早逝撫姪猶子每聘名師教育之更以義方是訓知縣劉超旌匾曰藩鄉望重門內子若姪濟濟衣冠長子藩郡庠朱文德字潤亭小陷隍居林鄉人捐授藩司理問祖武克繩慷慨好義道光甲申夏雨淋漓河水暴漲陷東一帶洪濤洶湧鄉中數百家窮厄乏食不舉火者五日德雇舟載米沿鄉賑濟毫無德色且修

豐順縣志

續修

卷之六

孝義

三

築橋路另助瓦舖一間爲其祖祭蒸生子四長炳光庠生煥光輝光同科歲薦三煌光國學孫秉權秉綱俱廩生

張際雲號澄川例貢生雙螺口人謙和處世勤儉持家事非正經不枉糜費而修橋路立祖蒸賑貧乏雖傾囊不惜城北建大石橋捐鉅貲助道藏事知縣王啟棻旌以利物濟人匾贊美之子三長國凝授布政司理問次國襄例貢國勳監生孫楷膺恩貢生餘多遊庠納監

李廷英大勝人性好義施濟無吝容道光十三年邑大饑自捐粟二百石賑贍鄉中困乏菜色得免壽至八十有九子景裕慷慨有父風壽亦八旬同治十一年合鄉紳耆呈請學憲何公廷謙旌之曰枌榆式德

李南金號錫三北勝人例貢性忠厚品端方同治四年髮匪陷嘉應金設局團防竭力籌辦任怨任勞且倡修文祠葺橋路施義渡一切善事皆樂助捐貲尤能排解鄰里事故壽六十五歲子吉常庠生

豐順縣志

續修

卷之六

孝義

二四

邱錫慶號善堂小勝人監生善體親心性慷慨兼具幹材同治四年髮逆竄擾奉諭辦理局務知縣錢誦清嘗稱之八年鄉有石橋被水冲塌自捐金貳百倡修名其橋曰迴瀾復於大河杉坑幫施義渡凡道路崎嶇不惜重貲鳩工修整凶年則糴米平糶鄉人稱之

林文彬陷隍居林人家貧奉親以孝聞尤以謙順最後進善解釋里黨紛爭若修築堤路勸捐義穀則勤勞勦理不懈亦美德也子國藩廩生

張偉馥字仁齋監生藍田埔仔鄉人齡友之長子生  
聰慧不苟笑言讀書明大義不事甲乙能成文章  
年十八父見背時胞弟三尚幼馥綜持家務力任  
其勞事寡母尤先意承顏視膳無缺建家塾延師  
課督諸弟成名服物貲產之美而尤者悉讓與弟  
無德色族黨有漢卜式之稱焉鄉有紛爭者正直  
剖決寢息仇讎遇饑寒孤寡每周恤不吝丙午歲  
稔施米粟粥食賑救且掩埋齒骸無數又獨鳩工  
築造本鄉羊角壠大路坡等處石橋以免人病涉

豐順縣志

卷之六

孝義

廿

復爲其二三世祖及殤弟營立祀蒸人皆德之壽  
七十四卒易簀時猶手書母侈靡母怠惰母聽內  
言疏骨肉毋逞小忿棄宗親數語示子姪迄今後  
嗣振起皆相守其遺訓云

黃建中例貢斗牛山鄉人寒素起家崇儒重道好施  
與道光壬辰癸巳歲大侵倡捐賑穀二百餘石復  
勸各殷戶彙題伙助閭里皆賴安全焉生子三俱  
成名壽七十三歲

吳亦槐號植之歲貢城內人經術湛深學問優裕公

平正直持已謙恭能繼父志廣行善事邑中文廟  
文塔及普濟橋皆其身任倡修者至其處家則聯  
子姓創祖祠篤友于訓子弟椿萱謝後一門百餘  
口猶共爨同居所謂終其身不忍析箸也

朱德華號厚菴上林鄉人生有至性隆孝養篤友恭  
及長教家庭以雍睦課子弟於讀畊重道崇師儀  
型桑梓他如捐貲修造消弭訟爭矜卹孤寡周濟  
貧寒諸善事皆樂行不倦海陽郭縣尹廉其品旌  
以譽重梓鄉四字乾隆間遇歲饑倡捐粟賑濟吳

豐順縣志

卷之六

孝義

其

邑侯蘭澂獎給孝義樂輸匾壽八十歲後嗣丕振  
林亦俊豐政都人勤儉篤實悉慍承其祖父好施樂  
善之遺恤孤憐貧造橋修路凡力所能爲毫無吝  
色雍正年間大饑俊親詣郡城勸捐穀千石量數  
分賑人多感之海陽張邑令士璉嘉其慷慨好義  
旌以能繼家聲匾表其門

朱承斌號全齋上林鄉人捐授正九品好施與鄉有  
睚眦靡不力爲排解時有兄弟爭產失歡幾釀鬪  
狠斌卽解已囊私向伊兄曰爾弟愿賠錢若干械



至伊弟處亦云爾兄愿賠語如前遂使伊兄弟各釋舊嫌道光十二年壬辰邑大饑斌倡捐銀數百兩救賑遠給米近給粥癸巳聯凶因窮者愈形憔悴斌復謀諸同志捐賑幾有難色乃自罄家所存穀百餘石獨行賑濟並賣租田二十餘石得估價以益濟之鄉里於是少餓孳邑令丁旌澤洽鄉鄰匾壽八十二歲親見二子采芹孫曾繞膝

羅星藍田上陽柵仔鄉人附生正直好義遇事排解經張邑侯邦泰旌匾曰訓俗型方咸豐六年土匪

豐順縣志

續修

卷之六

孝義

七

吳忠恕侵犯潮郡星督帶團防招集義勇命次子武生揚輝統率赴郡紫東橋頭鄉與賊接戰陣斬賊徒甚多獲捷以功獎訓導銜子揚輝賞六品頂戴又派義勇堵禦言嶺關將逆首紀阿服逐散鄉邑晏然卒年八十六歲長子玉輝庠生孫曾蕃盛杜亦彬字永發隍隍蓮塘人例貢孝友樂施嘗捐貲葬先塋修橋路道光十二三年饑捐粟倡賑族鄰咸沾其惠咸豐四年土匪古聲揚滋擾彬設局團防捐金助兵費經邑令赦翊臣以匾旌之壽六十

七歲

劉鴻俊字家柱監生藍田彭城鄉人早失怙事母以  
孝稱且善排解修橋路立蒸產課讀耕與例貢家  
勤等兄弟六人友愛倍篤丁傳百口五世不分居  
咸豐四年土寇擾亂俊督鄉壯團練堵剿有功經  
教邑侯保獎八品頂戴同治五年髮逆竄北溪復  
率勇協攻破滅道憲張 銑加獎六品銜  
羅英傑藍田高尾鄉人監生性和厚善排解有因虧  
財致爭傑爲解已囊代墊之不計償道光二十年

豐順縣志

續

卷之六

孝義

共

陳劉二姓因陂水構釁皆上控傑前往勸息不憚  
辛勤撫憲鄧公深爲嘉獎以型仁講讓四字旌之  
知府易 中孚旌匾曰息爭講讓其子元亨元魁  
元亮孫國光干城俱相繼遊武庠國材武舉

魏邦澤陷隍後并鄉人公平處世耿介自持見人有  
技輒讚歎不絕口遇窮約孤寒加意多爲矜恤若  
愧無廣廈盡庇者然其性曠達如此年七十六歿  
彭志先號尚亭產溪魏鄉人例貢居心正直約已濟  
人尤拳拳於水源木木見祖祀有缺必愀然不樂

竭力經營以贍之所居鄉里多溝塗蹊徑募工修整化爲平坦且隆重師儒勗子弟於詩書講家人以禮讓勤耕播種善行嘖嘖人口焉

譚捷元靈水鄉人例貢秉性剛直有奇氣幼年承父志勤儉持家所置產業除立蒸祀外悉與弟姪輩均分不稍私蓄且樂善不倦凡有關世教風俗方便人事皆首先倡爲龍溪至黃金市相去三十餘里沿溪橋梁每年修造俱將伊父嘗內捐修永爲例卒年六十九歲子三人長史由增貢署興甯縣

豐順縣志

卷之六

孝義

廿九

學厚重慷慨具有父風次英挺英蓮俱國學贈修職郎

柯光武隴隍長田鄉人六歲失怙其母魏氏年未及艾日夜含悲武膝下瞻依每事承順稍長知母耐苦撫養悚惕自勵必勤儉持身方遂承歡之願於是力謀耕種生活娶妻羅氏又能相助艱辛少有贏餘而奉母必獻美新自食不厭粗糲遇周急濟困諸善事則計足供母外雖傾囊亦樂爲之鄰里有故不憚勞煩必極爲排解道光間陳邑侯舉爲

鄉正迨奉養其母至八十餘告終視膳未嘗稍缺  
喪葬尤盡真誠里黨多稱道其孝焉夫婦俱壽逾  
八旬卒

張騰萬字敬和建橋圍人國學家頗裕喜施與道光  
壬辰癸巳饑捐穀倡賑並勸鄉中殷戶彙題減價  
平糶困乏者多賴存活又縣城西大路乃通嘉應  
番坑興甯長樂之衝行人每慮泥濘致多有撲跌  
者萬則於獎坑石亭邊砌石修路並及廖屋角等  
處雇匠鑿石條貳百餘丈沿路鋪成往來皆稱善

豐順縣志

卷之六

孝義

三

卒年五十六歲子步梯孫汝清俱膺正四品封

吳象大東

廬人嗜書樂善忠厚傳家以六德六行誨

族黨一時彬彬有禮讓風縣令秦泰知其名延議

乙卯救荒協各紳舉行平糶並請開倉施粥救活

多人邑令深嘉乃績復俾倡勸捐修西門堤重建

聖廟炎帝廟鵬湖書院忠義節孝祠象繕書匾額  
至今子孫多列膠庠猶恪守其遺風焉

鄭松布心卍人爲人忠厚卒業詩書非分之事一毫

不苟同治四年髮逆竄境松在局籌防破賊錢邑

侯申詳獎叙以恩貢加六品銜旋補授高州信

宜縣學乃將抵任壽既古稀加四卒生子四芹藻揚芬

張懷勳建橋人孝廉千秋長孫讀書不遇性樸素與世無爭凡祖父所遺產業悉聽兄弟經營不以刻薄寡恩待子姪卒年五十歲以子嘉瀛由監生加授翰林院待詔請封登仕郎孫如棠例貢如棣如蘭俱國學會孫百濤鍊俱附生

張爲樑字希東建橋鄉人捐授衛千總性正直事父母兄弟極盡孝友人皆稱焉處鄉鄰族戚善排解

豐順縣志

續修

卷之六

孝義

三

每朔望虔禮神明祖先畢必引古今孝弟忠信果報事化導族中長幼使知禮義廉節而不至比匪道光十二三年連歲大饑設局捐穀賑濟平糶困乏者多賴安全又於逕心堡土凹頭牛眠地葉華村等處橋路鳩工籌貲修築以便行人卒年六十歲

張光烈字裕堂建橋鄉人由監生考授漕運衛守備加都司銜請封其太父祖周父栗二代昭武都尉生平性端莊崇孝弟家饒裕不涉驕矜貌豐隆五柳銀鬚過腹見之者皆目爲美髯公道光間疊載饑荒設賑平糶多捐錢穀救濟甚衆凡貧乏借貸不責償族黨德之且重道隆師培育子弟修築庵廟橋路樂助勦成卒年五十六歲子六人長捷榮捐授守禦所守府慷慨明達繼承父志次映葵邑增生步榮登榮錦榮鏹榮俱國學孫曾濟濟成名

豐順縣志

續修

卷之六

孝義

三

譚敬承大田社人孝廉廷儁孫聰明穎異繼守青緗早歲入泮旋食餼膺歲薦舉動不苟嘗援諸葛經綸惟謹慎旬自勵自勗咸豐四年居廬遭土匪焚劫貲產罄空敬承志不少挫復招集團勇督戰殲滅同治四年髮逆由梅州竄境設局防守多有勤勞事平邑令錢誦清詳請獎叙准以教諭銜邑中重修 聖廟 萬壽宮及西門堤均與其役至如友愛兄弟和睦鄉鄰人皆欽式壽終六十六歲子六人鴻逵附生嘉珍國學餘亦克家

譚永志字德叟大樞社下潭鄉人監生居平忠厚篤實恤寡濟貧和睦鄰里家業饒裕嘗創建房屋書舍修祖坟立祀蒸且重道隆師諄督不倦勸耕課讀勤勵後生年終八十二歲夫婦齊眉子二長永璋例貢次永瓚國學孫謨道光辛巳舉人餘多成名

譚永璋號達齋大樞社人幼承庭訓處世忍和嘗勉受強宗產業價已盡償猶屢被增索不休且動

厲色惡聲挾制璋每含忍以禮下之使知自愧悔

豐順縣志

續修

卷之六

孝義

三

而免禍患課子弟惟督率耕讀不與人競短爭長致失族鄰情誼卒年七十歲生子五季子謨舉於鄉餘俱國學

吳濟瀛號蓬洲橋背鄉人捐授衛千總天性孝友見義勇爲咸豐四年土匪古聲揚倡亂直達城濠瀛與在局諸紳募集義勇合官軍防禦擒賊殲之同治四年髮逆竄入縣境北溪勢甚急復奉知縣錢公誦清率團勇堵禦安全桑梓至如修學宮及城隍龍王火神各廟修復西堤勸助晉賑捐辦義穀

皆竭力勸贊以底於成焉卒年六十四歲

丁初豐金湯人中丞日昌之姪孫也性純孝光緒五年隨其父母自羊城歸其母驟病途次無藥醫治豐日夜焚香默禱願以身代母病竟不瘳豐哀痛悲號水漿不入口者十數日家人屢勸之食且泣曰視靈前供飯得吾母食吾卽食矣及至揭陽毀瘠旣憊旋得熱症病劇甚忽強起挽行於居室之西向其母停柩處望西哭拜竟不食死卒時年十六中丞悼之因作記以表

原配賴氏聞訃由省城過門守節尤爲難得

豐順縣志

續修

卷之六

孝義

三

彭應元號吉士產溪魏鄉人性聰敏喜讀書及長登國學善承父志克守成業尤能見義勇爲敦行不怠訓子具有義方雖幼稚不肯姑息嘗曰蒙養必以正云

彭桂先號月坡產溪魏鄉人例貢生幼失怙家貧淡艱苦備嘗惟恪遵母訓處兄弟怡怡如也因事經營頗有產業遂將膏腴之田租立爲祖蒸週道路崎嶇必捐貲修之卒年六十九歲



吳文經號宿園增貢生田背人事親至孝尤能友于兄弟學行並敦名播郡邑髦年在鄉日以友恭示人鄰里化之巡撫德保聞其行給以雁翼齊騰匾獎焉後邑令傅修孟並撰壽聯贈云錦里著風聲德先孝友仙盤承露彩慶洽芝蘭皆紀實也然其生平大端不一乾隆乙卯歲大饑賑穀伍百餘石以甦人命不喜人稱頌迨後湯坑各姓械鬥幾欲抗官親往排解慷慨自任費銀數百兩而息鬩端其居家處世皆可欽式有足風者

豐順縣志

卷之六

孝義

三五

許養字宗廣乃賢良許申十五世孫也先代仕宦相繼至父許恭明洪武間由海陽外莆都遷居陷隍神沙鄉幼失怙事母極孝嘗自慨然曰祖德不彰親恩未報予之責也因懋自樹立創建祠宇凡事無論鉅細務稟奉母命及母卒哀哭盡禮卜葬站口虎地山廬墓三年人咸稱孝焉弟利字廣文亦以孝友著登洪武二十三年舉人曾孫鼎舉人任神砂縣知縣至今因名斯鄉雲仍蕃衍人以爲孝友之報云

何器璉號質齋松林小溪埧人少年力學志氣甚偉  
兼擅書法邑中建文祠文塔俱竭力樂輸不稍吝  
惜其治家規範宏遠嘗合兩代祖先蒸田撥立學  
租以培後進弟一清從之遊昆季皆登歲薦

譚道字貫之大田鄉人孝廉廷儁之子少承庭訓爲  
文沉思入細試轍冠軍但澀於遇年逾壯始獲一  
衿屢赴秋闈並不以不售餒其氣彈琴嘯歌坦如  
也弱不勝衣精明邁眾佐父創業建家塾以培子  
弟且嚴立鄉規族黨敬服又嘗示其子曰吾無家

豐順縣志

續修

卷之六

孝義

三六

業可分汝曹惟傳此硯田耕穫汝其勿使荒蕪焉  
斯可矣生子七長敬承歲貢其常廩生錫承從九  
其源監生孫鴻生

吳錦洲庠生橋背人讀書善悟每見賞於塾師素性  
謙和雖卑幼必加禮貌化怨怒不大聲色及門受  
業行皆純謹有禮讓之風居家以耕讀勤儉課兒孫  
至晚年進文庠爲分房內之開先其子監生重華  
克承父道孫庠生鳳笙尙遵祖訓族戚咸欽重焉  
林世德字心亭田從元功加六品階陞市人生平急

公好義咸豐四年甲寅土匪倡亂擾及兩隘知縣  
敖公翊臣統集義勇親往勦捕並諭世德等設局  
團防以資籌費詎賊勢猖獗圍逼官軍德不顧身  
家奮力率團勇破之知縣揮軍長驅擒斬遂平遇  
年饑每倡捐平糶至如排解忿爭和睦鄰里人多  
稱之卒年七十一歲五子俱克家孫支競秀

劉淑元東啗寨子鄉人總角能文才情敏捷由廩膺  
歲貢舉生渾厚喜怒不形行事皆準於義族鄰推  
爲至誠君子童軍時曾爲督學舉公懋謙所竒賞

豐順縣志

續修

卷之六

孝義

三七

潛修白雲寺著作甚多未及刻遼夢玉樓

鄞翊清監生階隍寨內人品貌豐隆鬚長過腹生平  
好義樂施道光壬辰癸巳年饑倡眾勸合市減米  
價平糶貳月餘保活貧困無數咸豐丁巳饑奉縣  
主諭設局平糶鄉里感戴甚多壽六十二而終子  
文泰職員孫曾繞膝

朱衣德號黻堂下湯楊梅坑人性純孝喜施與事父  
母及大母人無間言修築橋路尤捐助不吝乃生  
四子而病劇易簣時以持家堅忍教子讀書囑其

妻張氏遂卒年五十四氏因從夫命專誠延師課  
子供膳殷勤且矜恤孤寡多行善事里間有巾幗  
丈夫之稱他如每日以黑白豆分記功過說果報  
以勵兒孫亦遵大上功過格而種心田也長子士  
琦以州同請封二代次士瀛監生過嗣三宗沛廩  
生餘皆克立

張紹景例贈修職郎粉輦人子華可忠厚相承隆師  
重道凡利物濟人善舉量力行之不以家貲清談  
而輒阻里間稱之孫炳堃廩生教授生徒諄諄不

豐順縣志

續修

卷之六

孝義

三八

倦多顯達者人以爲篤實輝光云

宮辰雲例贈修職郎大勝人生平業醫濟世忠厚傳  
家嘗以恤孤憐貧課讀力耕示訓子步陞監生尤  
篤孝友爲族間貧乏者營嗣續絕支者承葬祀倡  
修橋路多行方便人皆德焉

一耆壽

明羅仕傳鄉飲賓賜帛嘗捐資創建義塾壽九十三歲  
有七世孫萬傑進士萬善舉人國珍舉人

國朝羅鼎明郡學生員約已好施足跡不履公庭年至八  
十三歲有子萬善國珍

張家達字右行生員建橋人篤志好學誠直不欺萬  
曆四十五年入學歷試二十二科八十五歲猶能  
應試康熙二十一年督學于覺世按試潮郡見其  
鬚髮皓然諭之曰老生何不告退應曰尚喜作文

豐順縣志

卷之六

耆壽

深異之給匾旌曰齒優好古年至八十七歲

張璫字如白建橋人公平正直善化鄉人有程處士

風賓飲於程邑知縣曹延懿旌以匾曰南金望重

王廷賓字俞臣歷試冠軍懷才未遇家居教授從學

日衆門下登賢書者有張豹變吳玉鷗王道符等

凡及門經其指授莫不有成生平溫和平正年至

七十六歲妻張氏年至八旬夫婦相處如賓有誼

孟之風次子增廣生靄雲能守其家學

王宗藩字萬宇湯坑人壽八十二歲雍正八年提四

令陳樹芝旌曰齒德雙輝

廖振琳大溜隍寨人爲人醇謹好施常捐資脩路雍正丙午丁未洊飢多周貧窮助喪葬前海陽縣知縣顏敏有匾旌之年至八十四歲夫婦齊眉子孫繞膝乾隆元年寨內大火鄰屋殆盡琳家獨無恙人以爲厚德之報

何宗富溜隍新池鄉人平生與物無競年九十有奇子孫繞膝矍鑠自如雍正元年 恩賜帛

羅奕卿字長侯上陽人爲人方正壽至八十六歲前

豐順縣志

卷之六

耆壽

二

署潮州府趙光貴旌以匾曰齒德可風

羅兆吉上陽人生員羅俊拔父乾隆三年 恩賜帛現年九十歲

巫乃文大樞社人現年八十六歲居家孝友接物謙和鄉黨咸推重之訓子孫有方俱能勵志讀書長孫廩膳生員巫馬光有文名

連朝相下埔鄉人居家敦睦鄰里稱之現年七十歲

張孟鸞藍田埔仔寨人孝奉雙親明毅有才明靖難兵起授都統府既而歸田順治時舉爲鄉飲大賓精神矍鑠里黨式欽壽終九十二歲

陳竒龍號桂山由嘉應遷豐素有英勇當明季倡義効忠安良除暴順治初隨饒鎮吳六竒討寇有功屢題議叙給予參將銜年老未仕創基占頭鄉爲陳氏始祖焉壽終八十三歲

陳鵬英字漢翔占頭鄉人監生竒龍子康熙間考授州同卓犖英偉表率鄉閭有父風壽九十五歲

豐順縣志

續修

卷之六

耆壽

三

張世裕號國器九河社密坑鄉人冠帶正九品性樸實以耕讀課子弟嘗云少年使務正業則匪僻無由生及老杖履優游鄉井間遇修橋梁闢道路等事莫不輸囊仗助道光元年知縣王竒雲旌以齒德堪羨四字壽八十一歲

朱孔珪小溜墮人捐授布政司經歷居家孝友處世寬和海陽知縣顏敏舉爲鄉飲正賓又以齒德兼優表其宅間壽八十三歲子六人

朱宗顯龍溪人質實和守壽屆百齡

陳義章字得中北勝占頭人奇龍五世孫壽一百零三歲親見六代孫曾繞膝百人 恩賜正六品冠帶並給建坊銀兩提學台公銘題匾曰昇平人瑞 藩司耆公善旌以感世耆英匾知縣陸翰爲之表其異旌匾曰開邑百齡

胡香彬留隍仙池鄉人友于甚篤處世和平里黨咸欽重之道光元年 恩賜帛壽九十七歲

朱彩鳳號丹山上林鄉人國學加授縣主簿性儻喜施予遇饑寒窘乏者量其老弱分給以錢米有

豐順縣志

續修

卷之六

耆壽

四

邁病者代爲醫治乾隆十五年歲大祲有捐穀平糶每日給粥二次如是月餘吳邑侯蘭澂以惠濟鄉鄰匾旌之居恆以忠厚詩書爲貽謀隆師重道無倦壽七十五子八人列貢監者五孫攀桂舉人吳泰盛字家敬監生城內人性寬厚休休有容處宗族鄉黨間和氣周浹不露稜角惟匪僻則深嫉之然猶不憚誥誡道光十二三年疊載饑饉率其子亦槐亦梯設法平糶並施粥倡賑全活甚衆子五人孫曾蕃衍五代同堂壽七十九歲



王鐸字瑞珍環清簾竹園入生平正直和睦族戚鄰  
里有事必力爲排解康熙二十九年程鄉令申詳  
上憲給獎鄉飲大賓並旌望重彥方四字匾夫婦  
俱壽享九十餘子孫蕃衍

譚琨大樞社人例貢永璋長子幼習儒業輒躋於遇  
遂援 衍聖公例捐分發山東屯田司廳因親老  
不敢遠離惟居家治事體乃祖乃父勤慎篤厚之  
心而成睦族和親之道其友愛昆弟矜恤貧寒鄰  
里推重壽至七十一子一孫二俱泮壁明經

豐順縣志

續

卷之六

耆壽

五

吳渭賢字周佐城廂龍蟠園人原海陽學增生康熙  
六十一年舉鄉賓冠帶八品知縣顏敏以正直高  
風旌之生平樂善凡周急濟困橋路庵廟力助贊  
成人皆欽重壽八十二終子二人克棊國學孫景  
蒸登仕郎景喜舉人曾孫世珂增生世瀨職員世  
壩武生拔補把總世培武生元孫永榮監生永華  
國學贈奉直大夫攀龍潮鎮中營武生補用分府  
俱臻眉壽永斌國學現年八十有六經提學馮  
爾昌旌以郭福彭年扁洵一門五代壽種傳芳

王時行龍溪人壽九十七歲

譚毓燕號善創靈水鄉人國學性和厚念高堂垂老  
遂投筆硯勸家政訓子成立處已待人彬彬有禮  
遇祖祠坟墓及近鄉橋路傾圮倡捐修復無吝無  
怠壽七十五歲

譚步雲字斯榮大田鄉人家世業農竭力營作以事  
母養老送終誠敬不違年七十援捐從九生平樸  
厚寬和其家居近路過之者無論親鄰貧富必以  
禮下之或留飲止宿焉壽八十五歲

豐川縣志

續

卷之六

著壽

六

張岐鳴號丹嵐建橋圍人縣主簿承立第四子三歲  
失恃年十四父復見背兄弟四人怡怡如也事後  
母巫氏一如所生視膳必躬親三十餘年無稍缺  
及母歿獨營松楸葬之好讀書圖進取艱於遇援  
入大學疊赴秋闈薦不售生平慎睦敦厚不尙浮  
華重道隆師論文不倦道光十二三年饑倡捐勸  
賑平糶族黨德焉生子六親見孫嘉儀嘉樹均列  
膠庠嘉穀授從九孫曾環繞五代同堂壽八十九  
譚煥廷大田鄉人九歲失怙及就傅刻意讀書又嘗

以家業營懷爲憾迺援捐州同並請二代封典母  
年八十四永歡膝下猶無怠意凡修建諸善事樂  
助贊成梓里欽式年登耄壽夫婦齊眉

李向辰字星階小勝鄉人歲貢勤學善教游其門者  
多顯名尤具幹濟咸豐四年土匪蠢動設局團防  
梓桑安堵七年復遇饑饉自運米五十石賑贍族  
鄰人感惠而無菜色同治三年勸捐京倉籌助穀  
石甚鉅至董修學宮倡建鄉中文祠排解紛爭修

豐順縣志

續

卷之六

著壽

七

築橋路皆所樂爲壽七十三歲子潤時監生

曹仕號竹田學前街人監生父早故煢煢孑立賴其  
母噢咻養成及長經營生理家漸裕迺與弟創建  
北門外祖祠分爨時爲弟姪各置田百餘畝乾隆  
間邑大饑自捐米五十石助賑秦邑令秦給匾旌  
之子六人長德忠貢生餘俱遊庠夫婦齊眉一堂  
四代壽七十九歲

曹蓉號旭初歲貢生德忠之子竹田長孫也性穎異  
博覽書史古文尤工書法食餼後選優學四次得

房薦六科爲傳邑令修孟所深愛邑中孝廉李維楨諸人士嘗以詩文相高出其門者多獲雋王邑令竒雲延之鵬湖主講裁成後進品詣氣量衆所欽崇壽七十終子六

曹對墀字公明學前人從九品性嚴正持已廉讓尤篤友于生平精業堪輿重道隆師栽培子弟誠敬無倦及老眉案相高孫曾繞膝壽至八十有二生子四佐清永清俱生員永瀨監生孫作柱附生

吳成得字葆亭南廂高田人國學生平孝友族戚無

豐順縣志

續修

卷之六

著壽

八

間言性好施砌橋修路終歲不輟有貧乏告貸者輒與之不責償居家購置熊胆聞有中毒者雖雪夜雨天必親送至其門極力救濟邑令邵應鳳性情耿介少爲其所許可者而獨謂成得賢旌以濟世耆英匾壽八十四無疾而終子四長開炳嘉慶丁卯欽賜副魁次開煥州同開輝監生錫疇歲貢楊善先北勝砂田人捐授九品孝友和睦忠厚至誠凡修建施濟之事傾囊爲之無吝色明敏好學喜談史傳歷延名師課督後進鄉中文風因以丕振

壽九十五歲夫婦齊眉

陳肇昌號展亭北勝丹竹鄉人捐授州同質直好義  
嘗爲人排難解紛其立祖蒸助祭費尤無德色遇  
崎嶇道路必修築之且造橋梁施義渡人皆賴焉  
壽至九十一歲

朱鴻勳監生北勝人忠厚純朴敦善不怠尤能重道  
隆師以栽培子弟壽九十歲子景星國學承父志  
而篤實鄉里推稱

林輝祖例貢生南陽人寬平和睦有祖父風修橋路

豐順縣志

續修

卷之六

耆壽

九

周貧乏靡不樂爲年八十八歲夫婦齊眉嘉慶二  
十一年儒學林蔚華贈以五代同堂匾後裔昌熾  
陳振常字立齋占頭人例貢生賑濟貧窮樂行善事  
父子繼承家道寢熾夫婦俱年躋八十有四三子  
皆英俊

程華翠金湯鄉人忠厚誠實壽一百零一歲光緒二  
年知縣李洪毓申詳大憲賞給冠帶耆賓

陳星麟字朗亭從九占頭人質直好義忠厚傳家遇  
鄉鄰有事必力爲排解息事壽八十五歲

闕紹漢北勝溪西鄉人性情慷慨好善樂施凡橋道  
傾頽不愜修費嘗倡建潭江義渡利涉利人縣城  
北建造大石橋竭力捐輸助成壽九十二歲

李輔猷號亮之小勝人附貢生公正勤慎從遊生徒  
皆蒙其講解貫通而多獲雋尤好行善事倡建鄉  
中文祠以振士風咸豐四年土匪滋擾陷隍等處  
奉憲設局團防遇隘口築柵籌捐經費鄉里賴以  
安至如解忿爭嚴約束人多感之夫婦俱稀五歲

歐陽希聖號杏亭松林社長美人歲貢性聰敏善屬

文家道清貧而心地活潑每當朋儕讌集談論之  
際輒以所有題唱詩詞呈席上令人評賞惜未及  
刻其談諧雅趣聞者多盪心胸從之遊皆一時名  
士如孝廉吳紅張雲錦楊成魁別領受真學問者  
也餘亦有雋品壽七十六而終

吳泰崙原璜坑高車田人移居南廂精堪輿人多以  
地仙目之知縣趙培蘭見其髦年猶精神矍鑠  
視履安閒旌以匾曰瑞應期頤壽九十三歲子雨  
膏監生孫曾振起術業傳家

楊鴻佐湯背人監生寬平正直和睦宗族尤篤友恭  
門內翕然遇鄉里有事必排解和息且好施濟救  
急無德色壽八十六歲子煥光國學孫步程武庠  
陳河書占頭人例貢生性和厚因妻無出而娶妾夫  
婦均安義命語默不苟門外罕聞笑罵聲恤孤憐  
貧皆所樂爲里閭中有詬誶者多觀感而化書與  
妻曾氏壽俱耄妾李氏現存八十八歲繞膝問  
安者九十餘人

李樹金號荆山小勝人性長厚多行方便壯歲入成

豐順縣志續修卷之六耆壽

均家有盈餘凡所借貸不以重利剝取人壽九十  
三歲五代同堂子上搏州同曾孫作舟中書

劉藜輝號乙齋環清劉家園人增生睦族和鄰禮義  
是守事親克盡承歡及居喪寢苦枕塊卒哭不衰  
上秋闈十二次膺房薦者五與妻譚氏眉壽相高  
俱登九十歲子國華芝華孫建平俱遊雍且均見  
鬚髮皓蒼若有壽種

李篤蕃號杏園小勝人捐授州同急公好義咸豐四  
年土匪擾亂籌捐鉅金設局圍防軍費事平知縣

敖公翊臣請獎優叙壽八十四歲子南金例貢孫  
嘉賓監生吉常附生國賓布經歷

王煥文號網園環清篋竹園人生平莊重狷介守分  
安貧嗜書史遊庠補增五應鄉試不售而志不少  
餒咸豐丙辰補行乙卯科年已八十餘猶赴粵入  
秋闈膺 欽賜副榜卒年九十一歲

邱國珍小勝人謙厚和忍耕讀傳家一堂四代肅然  
雍睦壽九十歲子文炳文蔚俱監生後裔昌熾

李承訓監生小勝人佳瓊孫性仁慈喜施與遇寒士

豐順縣志

續修

卷之六

耆壽

三

應試必助斧資捐修橋路尤不吝惜鉅費居平不  
喜殺生以爲有傷物命壽八十五歲五代同堂子

春華器華俱監生虎臣 欽賜副榜孫曾蕃衍

李騰雲小勝人監生忠厚和平與人無忤精神矍鑠  
愈老如常壽八十七歲子振聯國學

李良桂監生小勝人性情和易鄉里推稱至老康健  
壽九十三歲

李國英字子京小勝人自幼庭闈侍奉得親歡心尤  
善養天和壽九十三歲童顏鶴髮夫婦齊眉



劉致中號位堂環清劉家園人性淡泊寡言笑立品  
端方成童遊泮旋選拔元及門如禮部掌印郎中  
吳世驥舉人羅萬史俱知名士惠潮嘉道李璋  
煜延教小學孝經壽八十四歲子錫榮監生孫名  
揚庠生

王琳號玉山環清桂堂園人生平秉正嫉邪落落不  
羈篤志好學期及於古不屑屑於時派故采芹食  
餼皆冠軍旋膺恩貢卒年八十一歲子之柱附生  
吳開祐號祉軒新陂鄉人捐授按察司叅軍忠厚待

豐順縣志

續修

卷之六

耆壽

三

人樂善不倦詩書啟後世濟其美夫婦俱八十有  
餘歲

劉玉樹號皎亭環清堡人性質和坦早歲遊庠旋膺  
廩貢光緒壬午欽賜副魁癸未重遊泮水康健如  
常時年八十八歲夫婦齊眉

陳應恆藍田里仁園人捐授縣丞現年八十九歲夫  
婦齊眉曾元遶膝親見七代五代同堂光緒八年  
邑紳丁中丞日昌以其年高德劭邀藍田局及諸  
紳僉報經知縣許譜濟據情詳請  
督轉奏在案

羅鶴鳴大勝人八品頂戴嗜善如渴見義必爲遇荒  
年米穀騰貴倡合鄉減價平糶助賑貧乏人多德  
之晚景杖履倡隨夫婦俱壽臻九十一子發盛生  
羅元龍大勝人軍功六品性情和煦謹厚寬平壽八  
十五歲身猶強健子光耀監生文耀貢生

徐玉鼎大勝人素有隱德以醫業濟人髦年將所存  
賑券悉付祝融且曰毋留此爲子孫禍其妻陳氏  
賦性端良亦慇懃成之夫婦壽屆遐齡

蘇振榮號蓄齋大勝人從九忠厚寬和惟以耕讀課

豐順縣志

續修

卷之六

耆壽

四

子弟壽九十歲子文盛貢生文明監生文華從九  
蘇振興大勝人從九謙遜和讓與人無忤里中  
有事輒不煩言以解人多敬服壽七十六歲子宗學宗  
海皆以攻破土匪獎給八品頂戴

林華明小勝人臨事勤慎存心恕謙課讀勸耕守約  
節儉夫婦俱壽登八十七歲子孫繞膝二十餘人  
簡乘通龍溪人居心長厚處世以和聞子弟趨向端  
正輒稱許獎勵以陶成之鄉里有刻薄事必斥之  
雖小事不偶恕壽九十五歲

吳亦梯號步之國學泰盛次子勤儉治家庭幃肅然  
城北重建普濟大橋經費動以萬計乃兄亦槐命  
綜理會計一切賬務至公至明纖毫不染咸豐四  
年土匪古聲揚擾亂捐貲保禦城鄉七年邑內洊  
饑倡議平糶同治年間潮州府汪政舉爲族正處  
斷世務人皆帖服壽九十六歲

吳世謨號弼臣城廂人幼讀父書蹟於數捐授從九  
具幹才凡族鄰齟齬不合事輒爲排解人皆服從  
咸豐四年土匪侵擾設局團練防守城池七年大

豐順縣志

續修

卷之六

著壽

十五

饑勸集城鄉殷戶捐貲買米穀平糶同治四年髮  
逆由梅州竄擾北溪白溪埧等處謨董理總局於  
十二月二十三日聞警親督團勇隨署知縣錢誦  
清馳往該處堵禦擒斬賊匪數十餘衆卽協左相  
國及各營官軍圍繞截殺賊潰平知縣申詳督憲  
瑞麟撫憲李公福泰獎給六品銜九年馮邑令  
寶封諭督修城垣及西門火神堤節孝祠鵬湖書  
院靡不竭力奉公壽七十四卒長子永珍郡廩生  
彭炳光產溪魏鄉人性和易與人交無疾言遽色見

義勇爲凡水陸道途有傾圯險阻難行者必設法  
籌費修補填砌至老不懈且輕貲財不靳施濟里  
黨咸稱道焉壽八十歲舉鄉賓

劉家勤字致佑例貢生藍田彭城鄉人與弟鴻俊等  
兄弟六人怡怡如也丁男百口五世同居事寡母  
極盡職勗子弟以讀耕處鄰里族黨忠厚正直不  
矜財不使氣人咸欽之四代一堂壽臻九十歲

羅元魁武生藍田高尾鄉人忠厚謙恭與人無忤善  
排解人皆敬服且武藝擅長教徒日盛習其技者

豐順縣志

續修

卷之六

耆壽

六

多獲捷如登鷹宴之子國材姪廷江俱得妙技著  
也壽七十九夫婦齊眉孫曾繞膝

楊肇榮砂田人例貢自幼貧苦及壯經商致富誠實  
不欺急公好義立祀典建書室延師儒培育鄉中  
子弟成材文風振盛閭里稱之壽八十八歲

陳振紀例貢占頭鄉人夫婦俱壽登九十一家貲厚  
實樂善好施足跡不履公庭凡創修賑濟之事力  
行不辭鄉里德之

游尚綱陷隍南坑人家敦朴實道光二十六年儒學

李從吾請准給鄉飲大賓娶配峙溪藍氏夫婦齊  
眉壽九十五歲子勲來瑟來俱成均孫益明附生  
蔡鴻集陷隍赤嶺人素性樸厚眉壽傳芳年九十三  
與兄弟鴻來鴻立俱壽九十蒙 皇恩賜帛集之  
長子喜春壽九十三 恩賜冠帶次喜盛咸豐十  
年儒學李從吾選舉鄉賓並旌齒德兼優區時年  
九十一歲三喜陞同治四年道憲張 銑獎以八  
品軍功現年八十八歲一門壽考

劉鼎廷產溪白土鄉人忠厚樸誠事多諳鍊一言一

豐順縣志

續修

卷之六

耆壽

七

動胥合法程更喜引迪後進鄉中子弟莫不就而  
正之而矍鑠精神亦能隨時啟悟使各洽其情而  
去壽百零五歲鶴髮童顏孫晉林立

汪鳴陽號彩閣陷隍埔頭鄉人心性和平彬彬儒雅  
素習醫好行陰德施濟不務名凡遠近延請無論  
風雨寒暑輒迅步而往至老不倦壽七十五歲

魏鳳梧小陷隍人素業儒醫性情長厚方便救人之  
事敦行不怠咸豐十年儒學李從吾舉爲鄉賓壽  
七十五卒

楊顯杰號英亭小樵人精醫理光緒六年督學馮

爾昌旌以仁術延齡區先是同治四年髮逆寇警

奉知縣錢誦清帮理團防保獎儘先把總現年九

十四歲子璿璣在事出力獎六品頂戴

曹文煥號斐然監生學前街人同治四年在局辦團

獎給六品 年七十五歲子輝光監生

楊紀廷字毅然紫荆洞人居平謙素和睦重道隆師

知縣許公普濟旌以鄉閭欽式匾壽終七十五歲

長子金聲歲貢生

豐順縣志

續修

卷之六

耆壽

六

李文珍號容軒小勝人捐授州同並請封典性寬厚

年七十六歲二子鷹揚雁揚俱國學

李春蘭小勝人監生 年七十九歲子二梓芳貢生

梅芳監生

楊德成號懋堂小樵人例貢生 年七十五歲子攀

梯附生其儀監生

譚史號荏園靈水鄉人性純厚好施與由增貢任興

甯縣訓導甚得士心同治四年復委署信宜學光

緒壬午科欽賜副魁卒年八十三歲

杜育萬九河小湯鄉人生平質直與人無爭惟以課  
讀勸耕是務壽至百歲夫婦齊眉曾元繞膝子國  
英孫乃聘俱年躋耄耄洵爲一堂皓首五代承顏  
咸羨其有壽種焉

杜國英小湯鄉育萬次子天性純孝人品謙恭事親  
而無缺旨甘居家則教之勤儉壽九十六而終子  
乃聘克承孝順一室雍和五代同堂亦含飴樂事  
聘年八十有四歲

杜紹揚字斯標九河小湯人讀書不遇寄跡林泉性

豐順縣志

續修

卷之六

耆壽

九

方正而處事和平同胞四人家口數十雖不素豐  
竊欲效張公不分居故事閭里稱之現年八十四  
歲視履矍鑠

何仕珍陷隍蓮塘人和睦樸厚年九十一壽夫婦齊  
眉子國瑞亦現屆古稀

劉永傑東留寨仔鄉人例貢生平樂善好施輕財重  
義持躬接物鄉黨推稱卒年八十八歲其妻陳氏  
皆以爲賢孝壽至百有八歲

余開基監生留隍後井鄉人素性真誠樸厚交遊有

合義之風壽終八十歲

李瀛洲字梯雲捐授從八品小勝人性忠厚練達年七十六歲子煒光監生國楨廩生

黃頤昆字鍾鎮陷隍三樂巷人從九銜和睦鄰里厚實持家壽終八十五歲

許樂天藍田八鄉人嗜學不倦經九十歲縣府前列始入泮越年九十一旋卒

蔡廷肅字國瑚大陷隍人溫厚謙恭和睦鄉鄰倡建橋廟無少吝惜里中後進咸奉爲楷模道光年間

豐順縣志

續修

卷之六

耆壽

二十

道憲李璋煜遴爲鄉正梁案齊眉壽七十二歲子仁良能承父志克家

胡恭偉小陷隍人生平溫厚和平不慕榮利教子弟安分自守每以栢廬家訓爲箴規壽八十三歲

蔡耀晃字廷榮大陷隍人監生誠樸不欺作事嘗留餘地且曰無餘則滿滿則招損明知其損而故招之不亦愚乎至七十歲猶健飯夫義婦順焉

魏家合小陷隍人天性篤實最善養心老年猶兩眼精明且能短檠下作繩頭細字壽八十二卒



魏梯雲小陷隍人生平崇正嫉邪鄉里矜式咸豐元年舉鄉賓壽七十五歲

蔡廷治大陷隍人性質直言動不苟道光二十年蒙恩賜冠帶壽九十二歲

朱纘先拔溪鄉人生平確信因果於太上感應篇一書竭力奉行至老不倦且英姿健舉結束在莊襟老帶間不需鳩杖而神氣百倍壽至百齡督學吳寶恕以慶錫期頤匾褒之

朱桂芳生員下湯上林鄉人生平好善樂施事父母

豐順縣志

續修

卷之六

耆壽

三

人皆稱孝且處世謙恭族鄰和睦壽九十三歲無疾而終孫曾蕃衍

何作懋潘田上坑人生平勤儉持家謙和處世凡修建橋路祖墳增祀產心不存私鄉黨咸推重焉援例捐授從九年八十二不疾西歸人以爲好心故善終云予之洲附生

彭廷聘號清逸產溪魏鄉人秉性倜儻家道整齊專以延師課督子弟爲務尤好行善事見水陸險阻寺廟傾頽捐金修之不較繁甿又嘗設鄉規寓勸

懲不苟於法頑梗向風壽九十三歲

彭芝勲號克明產溪魏鄉人嚴氣正性人莫敢以私  
惠干道憲陳 舉族正里黨胥敬服焉道光十二  
三年連饑鵠形遍野勲惻然捐賑多荷存活間有  
借貸輒與之不責償壽八十九歲夫婦齊眉

彭如耀產溪魏鄉人勤儉持家善和鄰里道光年間  
洪水屢患冲塌舖戶民房指不勝屈耀極力彌縫  
稟請楊邑侯昭詣勘撫卹復捐已貲量災分賑衆  
心乃安邑侯表其間曰誼敦桑梓壽八十一歲

豐順縣志

續修

卷之六

耆壽

三

廖烘字亦奎陷隍人現年七十六歲相莊眉案矍鑠  
自如

黃清山小陷隍人咸豐二年舉鄉賓同治四年髮逆  
騷擾團防出力道憲張 銑獎給六品軍功現年  
九十一歲子鶴松附生

鄞浙豐陷隍寨內人咸豐二年舉鄉賓經儒學李從  
吾給照現年八十九歲

鄞毓璠號馥亭大陷隍人從九道憲李 璋煜舉爲  
約正知縣李 振傑因土匪滋亂舉爲團練總時

年八十四歲

陳曜東字紫來占頭鄉人咸豐六年同治四年髮逆兩陷嘉應曜東辦理團防以功獎六品銜督學吳公寶恕旌匾曰善氣延年時年七十三歲子期泰監生期昌廩生

詹耀奎陷隍人僧生時年八十六歲

廖江湖例貢官溪人性慷慨多行善事邑屬與饒平界溪水深險行人病涉江湖獨捐貲建築橋梁名曰萬安又於大水唇造橋名報德俱以石砌成所

豐順縣志

續修

卷之六

耆壽

三

費不靳千金且到頭凹一路山勢崎嶇復營已貲建茶亭壹座並撥田租二十餘石每歲夏買辦茶水以解往來之渴煩他如倡建本鄉文祠修道途設義渡多不借題款而樂善成人皆德之壽至古稀子智仁生員次入大學孫曾蕃衍

楊顯嶽布心社埧園人居家儉樸處世惇誠嘗與人坐談必舉勤讀力耕毋好訟一語勉勵後生壽八十八歲

方伎志

林亦全字建陽冠帶鄉賓由饒遷豐而居南陽為林氏始祖生平廉厚業醫學精脈理以施藥濟世診之者投以方藥雖沉疴立見神效尤明通痘科前時海陽邑令顏公敏因母病篤延全診治病立起雍正六年贈以指下回生匾迄今子孫蕃衍彭朝綱號紀堂監生下湯人精脈訣習奇方以醫業名世屢應効驗人多德之次子錦標繼承其術援入大學後嗣克昌

豐順縣志

續修

卷之六

方伎

二四

鄒錫綸璜坑田心人世業乃圭好行陰德貧乏之家及急症贈送丸藥不取酬儀于世卓能傳秘授盧精一北勝南陽人業岐黃性樸實人延之診視雖風雨遠涉必馳至無論貧富不問酬其救危濟世行之終身壽八十授冠帶



節烈節孝志

明羅尾娘上陽羅敬恕女自幼不妄言笑年十七歸揭

邑霖田湖口高姓十九夫亡哀慟數日遂自縊

國朝宋氏貢生宋兆榕女年十九歸舉人吳啟言爲繼室

二十六歲啟晉病亡一子未周歲孝奉舅姑誨子

成象讀書成名苦節幾三十載前海陽縣知縣朱

一鳳詳請旌表

張氏環清堡鄭邦懷妻二十五歲夫亡守節年至七

十二歲康熙四十四年程鄉縣知縣郭廷祚旌以

豐順縣志

卷之六

節烈

匾曰光耀竹扉

歐氏名錦娘松林社湖洋樓歐子靖女幼許字吳汝

潤及笄未婚而汝潤病亡錦娘聞報哀痛欲絕三

日不食七日後潛至汝潤墓哭拜是晚回家自縊

鄒氏副將鄒瑞女監生吳廷選妻年二十四夫故一

子僅三歲氏紡績事親婦兼子職篝燈課子母備

師儀卒年八十五歲

彭氏在城生員吳三彪妻彪幼穎異十五入海陽縣

學勵志讀書二十六歲病故無子近族無可繼者

時氏年僅二十四歲號泣三年未嘗見齒苦守七載始得夫弟之子芳爲後姑病刻不離側藥必親嘗教子成名得入太學卒年八十五歲

呂氏州同吳廷遜妻年二十四夫亡無子立夫弟次子爲嗣氏孝事姑嫜訓子成立後入太學孫嗣鵠起堂列四代年八十六歲前海陽縣知縣顏敏旌匾孝節流芳

馮氏在城吳三鷗妻年二十三鷗亡遺孤子捷未周一歲四壁蕭然甘貧苦節上奉舅姑下撫幼子歷

豐順縣志

卷之六

節烈

二

四十六年如一日四代一堂年六十九歲

譚氏監生譚方明長女吳鎮舊將吳豹爲第三子吳子寬聘之未婚而寬歿氏聞報哭泣終日不食卽欲奔喪父母屢止之不能未逾月過吳門衰服三年甘心守節立有嗣子振第爲後

陳氏副榜陳棐五長女生員吳州彥子漢若之妻二十三歲夫故遺腹生子懷源氏事老撫幼苦節自守卒年八十四歲

吳氏下湯社雙螺口人生員吳三彪女監生張元卿

總夫張啟庸二十七歲病亡時年二十五生一子  
三多甫三歲氏事舅姑克孝守節三十八年卒年  
六十五歲子入太學孫嗣森盛康熙六十年海陽  
縣知縣顏敏旌匾節孝可風

林氏歲貢林作棟女總兵吳啟鎮媳生員吳成孝妻  
二十四歲夫亡氏飲水茹荼勤撫幼子開瓚延師  
訓課身列成均現年七十六歲康熙六十一年海  
陽縣知縣顏敏會給匾旌之

劉氏監生羅焜祖母年二十五夫歿守節至九十二

豐順縣志

卷之六

節烈

三

歲雍正元年 恩賜帛

林氏曹寨鄉陳顯卿妻年十八于歸二十四歲夫故  
撫孤至十六歲而孤歿氏堅墾族衆僉立夫弟生  
員陳鳳儀四子振飛爲後時甫十歲氏訓之後入  
太學孫嗣森立年至六十計苦節二十六年

陳氏上陽羅義烈妻十九歸羅二十一歲夫亡守節  
孝事舅姑遺腹舉男旬後舉雍正元年武鄉試  
正四年奉

旨建坊旌表祀節孝祠

吳氏上陽羅文士妻三十而寡守節七十年壽百歲  
恩賜帑帛

陳氏上陽羅畧如妻年十六歸羅三載夫亡家貧力  
紡績事姑舅撫遺孤守節至八十七歲雍正九年  
揭陽令陳樹芝旌曰孝節可欽十三年 恩賜帛  
葉氏環清堡王正遠妻生員葉文斌季女十九歸王  
九載而寡夫病時親嘗湯藥不離左右歿之日撫  
棺悲痛欲絕舅姑俱暮年奉養得其歡心撫孤順  
泰成立列名太學計正苦節者二十八載乾隆八

典嶺縣志

卷之六

節烈

四

年春合邑紳士僉呈督學梁山旌匾砥節松筠  
張氏藍田湖陂鄉羅明侯妻貢生羅山澤媳年十七  
歸羅二十九歲夫亡是時雙白在堂二孤年幼事  
親撫孤始終不懈長子天漢補邑弟子員氏年四  
十八而歿

林氏下埔鄉連朝烈妻年十六歸連二十二歲夫亡  
遺孤僅五月林事老撫孤備極艱辛守節者五十  
年乾隆十年知縣葛曙旌之曰霜筠茂節

朱氏在城生員吳三俊媳夫啟昌歿時氏年三十三



歲僅遺一子成良氏撫之惟恐不至一以勤儉治家子不末年復撫孤孫開京開雲成立卒年八十二歲乾隆十年知縣葛曙旌匾松筠晚茂

馮氏鄉飲賓馮煥公女卽朱氏子成良之妻成良病故氏年二十事孀姑惟謹撫二孤開京開雲訓導有方現年五十五歲乾隆十年知縣葛曙旌匾正節嗣徽前知縣王如珩於乾隆七年合旌之曰雙節垂範

朱氏鳳娘生員朱以德長女年十八歸生員吳三近

長子吳啟煥爲室二十五歲夫故遺孤成集年甫四歲撫育訓誨備極苦心得入國學現年六十一歲

謝氏產溪彭奕瑞妻夫亡守節撫子振蛟成立名入太學

朱氏大田社朱可珍女胡良垣妻年二十六生二子而夫歿家貧日夜紡績以養繼姑謝氏及姑目廢八載寢食不離亡後負土築塋訓劬子有方現年七十七歲

彭氏大田社朱世豪妻生四子二十八歲夫故氏事老訓幼備盡婦道第四子煌及孫三人俱列成均氏現年八十五歲

劉氏卽彭氏長子朱正立妻劉三尹女年十七歸朱甫二載夫故痛哭幾不欲生遺腹四月後舉一子養孀姑撫孤幼孝慈兼至年六十八事彭氏始終不懈云

張氏下湯社人監生彭文縉妻二十九歲夫亡一子甫七歲苦節自守事姑盡孝課子成名鄉黨咸稱

之現年七十五歲

徐氏藍田都新棠鄉會殿侯妻年十八歸曾二十九夫亡遺孤世茂年僅二歲堂有白髮雙親生養死葬俱氏任之訓子後入太學氏現年七十五歲

羅氏金湯寨周元捷妻年十六歸周二十二歲夫亡並無兄弟侍養舅姑得其歡心歿之日喪葬盡禮撫二子建五建常俱各成立氏現年六十五歲

羅氏監生羅基蒙女副將吳啟鎮爲子成亨聘之年十五歸吳二十五夫歿誓志守節子又早喪助媳

撫養孤孫時年六十五歲

黎次娘大權社橋背人黎永學長女吳啟義妻年十七而嫁未百日啟義病亡氏痛哭氣絕其母救醒隨嚼指出血誓不改節哀求夫兄啟仁次子成續繼嗣時年五十五歲

吳氏上林坑朱文麟妻年二十歲夫亡無子立夫兄之子為嗣氏子立事姑孝養無缺撫孤成家時年五十一歲

豐順縣志

卷之六

節孝

七

彭氏仙洞鄉彭為霖女劉宏售妻年二十四夫亡守節遺孤桓止四歲撫育成立孫曾三代繞膝時年六十四歲

續修

咸豐四年邑侯張

邦泰蔣

成瓌彙詳

督撫列大憲轉咨

部文覆准在案奉

旨旌表入祀節孝祠姓氏牌名臚列於後

計明

欽旌貞慈孝義譚龍姑儒士吳子寬字啟紆之聘而未婚妻聞寬歿過門守節志勁松堅經併建坊於龍蟠

圖門首

張氏松林鄉何敬夫妻夫病永訣時氏年二十一舉  
一遺腹子持家有法事舅姑必柔恭教子應瑤成  
立慈訓端肅動無違則再傳孫器連一清俱列明  
經乾隆三十年經奉

旨旌表部頒清標彤管四字儒學謝壘旌其間曰松筠多  
節並賜詩一章褒美云清標彤管久香薰

御賜題名單五雲莫說老天無報應眼前雙鶴立雞羣卒  
年八十一歲

豐順縣志

卷之六

節孝

八

欽旌王氏儒童曹增玉妻城廂人年十五夫亡氏甘心守  
節泣訴舅姑立嗣繼後清操苦志教子昌成均孫  
文謨庠生經道光元年呈請詳准旌表建坊

劉氏監生譚淮之妻部准旌清標彤管

楊氏儒士李善宣妻

李氏儒士張光樹妻北勝白芒峯人氏年十八于歸  
二十夫故堅貞自矢事舅姑撫孤兒孝慈兼至家

道饒裕樂爲推解至今鄉人頌德弗衰壽七十四

歲經邑侯丁

澧漳旌匾曰栢節松心

光樹卽光  
恕

張氏儒士吳泰深之妻

鄒氏儒士張永春之妻

吳氏儒士張懷彬之妻建橋人氏二十一歲寡居幽  
貞淑儉盡職孝姑媪茹荼教嗣子卒年六十八歲

王氏儒士吳亦楷之妻

鍾氏儒士張光第之妻北勝官溪人十六歲適張二  
十五而寡與兄嫂李氏同門守節撫一子成立丁  
令澧漳以栢節松心四字共旌之 李氏事見前

羅氏儒士劉振千之妻

豐順縣志

卷之六

節孝

九

劉氏環清埧上園儒士王用行妻年二十七失偶孝  
養翁姑婦職無忝一子承志撫之成立名列園橋  
孫六鳴鸞職員鳴謙國學卒年八十二歲

徐氏儒士梁承宗之妻

巫氏儒士張敬韶之妻

曾溫氏儒士陳永灼之妻

劉氏儒士彭亦機之妻

劉氏儒士張灋之妻經學憲史公夢琦旌以栢節彌  
芳四字卒年七十五歲建橋人

楊氏儒士杰亦成之妻

謝氏儒士張纘王之妻

胡氏儒士陳高通之妻

陳林氏儒士馮振衡之妻

劉氏儒士彭成旺之妻

譚氏儒士張朝綱之妻

王氏儒士張崇香之妻

王氏儒士張立淦之妻

朱氏儒士鄭禮宰之妻

豐順縣志

卷之六

節孝

十

朱氏儒士張立漢之妻

吳氏儒士陳聯增之妻

謝氏儒士張爲樞之妻

葉氏儒士陳桂香之妻

古氏儒士王品官之妻

劉氏武生吳國甯妻田背鄉人十三歲適吳二十八

歲夫病不起僅遺一孤甫離襁褓氏茹哀飲痛鞠

育恩勤堂有老姑履膳必潔族黨稱之邑令張

邦泰旌以彤管揚徽匾卒年七十七歲

劉氏儒士魏亦參之妻

譚氏儒士朱義和之妻

楊氏儒士朱明端之妻

鄒氏儒士吳獻達之妻

邱氏儒士張建福之妻藍田埔仔鄉人氏秉性和淑

十八歲于歸二十三夫故堅操矢志事親則孝撫

孤則慈幽貞之德里黨皆稱五代同堂孫曾環繞

道光二十九年奉

恩旨旌表勁節凌霜壽九十六歲

豐順縣志

卷之六

節孝

十一

彭氏監生吳獻昫之妻城廂墩仔上人年十八于歸

二十一而寡賦性幽淑孝事翁姑撫孤則慈愛鞠

養矢志則冰霜清潔持家教子無而有成五代一

堂孫曾繞膝壽八十有七孫昌言從九品

陳氏儒士羅啟才之妻

許氏馳贈朱文桂之妻

朱氏儒士李亦材之妻

邱氏儒士李馨宣之妻

官氏儒士李三善之妻

李氏舉人李維彬女儒士吳亦惇之妻十六歲于歸甫閱月而夫亡氏栢舟自誓勵志守節姑性頗悍奉承惟謹鄉里咸稱之螟蛉一子躬自紡績教之成立卒年五十二歲邑侯張邦泰旌之曰貞孝完人

杜氏儒士李煌宣妻

陳氏監生李光烈妻

吳氏武生王斌魁妻

劉氏儒士林定國妻

豐順縣志

卷之六

節孝

十三

楊氏儒士張顯洞妻

鄒氏儒士吳順德妻

蔡氏誥贈朝議大夫朱啟元之妻

李氏儒士何光濟妻

吳氏儒士張崇道妻建橋人氏年十八于歸二

歲夫故立嗣子撫育事舅姑極盡婦道妯娌

言苦節一生冰霜勵操松栢貞心卒年七十二

洪氏州同張鴻材之妾雙螺口人

林氏儒士王立繩之妻

以上俱經入祠崇祀



何氏廩生張錦帆妻二十六歲夫故僅生二子事翁姑以孝稱茹荼飲苦矢志貞操撫子成立卒年七十八歲子作猷歲貢建勳監生孫炳榮郡庠

王氏儒士張立海之妻雙螺口人

楊氏武生張登壇之妻雙螺口人

張氏貽贈儒林郎吳泰礪妻田背鄉人氏年十九適

吳純謹事舅姑儀脩內則二十一歲夫故哀毀欲

絕遺腹舉一子名國樑列成均孫樹芳州同請封

經學憲李棠階旌節孝揚徽匾現存九十八歲

豐順縣志

卷之六

節孝

十三

光緒八年奉部覆准建坊

陳氏儒士張南祝之妻

吳氏庠生鄧蘭湘之妻

鄒氏儒士張立濟之妻雙螺口人

鄭氏儒士王遠謀之妻

黎氏監生楊耀璋之妻

魏氏儒士劉象萬妻陷隍寨子鄉人年十八于歸二

十六夫故僅生一子齟齬待哺氏婦道母儀勤劬

備至卒年六十二歲

呂氏湯坑湖坡鄉羅清就之妻錫灘呂炳女十三歲適羅二十二歲夫故家貧無以爲炊且翁早逝哭以內僅存孀姑弱息奉養堪憐氏婦道克全耐雪貞心撫子其瀾成立現年六十一歲

羅氏湯坑人丁惠樂妻于歸時家赤貧燈影機聲備嘗辛苦十指所入以助堂上甘旨之需舅姑倚養天年咸豐二年惠樂身故氏年二十九歲痛不欲生旣而曰親老子幼吾惡乎死飲水茹蘗貧且益堅以事以畜無間言焉迨舅姑迭逝曲全孝道其

豐順縣志

續修

卷之六

節孝

十四

子志德功加遊擊 誥封夫人世咸謂節孝之報云光緒六年歿五十七歲守節二十九載越二年其姻婭工部郎中倫五常具疏爲請於 朝荷 旌表准建坊祠以彰節孝

許葉氏陷西神沙鄉儒士許華用之妻年二十六夫故氏栢舟矢志孝事舅姑勤儉持家克全婦道賑恤貧寒族隣感德遺生一子蘭馨撫養成立得列成均孫曾繼起或膺仕籍進膠庠濟濟一門人咸羨焉

陳氏浙江寧波人爲杭州課大使張登瀛側室性慈  
敏襄內政嚴而有法道光二十九年登瀛病故氏  
哀毀盡禮撫諸子成立又恆以不獲孝養舅姑爲  
恨春秋拜奠必躬自洗腆以盡婦道暇則舉古今  
忠孝節烈事勗兒輩有古賢風戚黨咸敬禮焉咸  
豐十年髮匪圍杭州歷七旬城陷氏挈孳齏擊賊  
大罵赴井死之長媳葛氏次媳莫氏幼子從九品  
萬達暨姻戚莫望妃僕婦李媽家丁龐福俱殉難  
行道皆惋惜同治五年巡撫馬 新貽以其事奏

豐順縣志

續修

卷之六

節孝

十五

旨准旌表及兩媳俱受褒封子五人萬程萬崧監生萬熙  
浙江孝豐縣典史又次卽萬達因殉難

賜卹加贈鹽運司知事銜時錢塘名士吳淦撰其節畧並  
詩百首梓行以彰一門之節烈云

陳氏埔仔鄉儒士張爲恆妻性端莊不苟言笑十七  
歲于歸越二年懷孕僅七月而夫故氏誓以身殉  
投繯者數次翁姑乃諭以遺孤在腹宜以吾二老  
終養及宗祧爲重氏感悟遂起執喪矢志堅守閱  
二月生子含淚撫孤姑因慟子喪明氏旦夕以舌

舐其目事親盡孝教子以慈子耿光納監士大夫  
作詩文褒其事邑令王詳報督撫申奏道光二年  
恩准旌表建坊入祠崇祀

陳氏埔仔鄉儒士張佑南之妻德性幽閒十八歲于  
歸十九夫故矢志守節閨闈言動以禮事翁姑盡  
婦道自養一子更立夫弟子爲嗣篝燈紡績課讀  
諄諄長錫彤次仲宣後先入泮孫象儀武庠道光  
廿二年邑宰詳報經撫憲葉奏 准旌表建坊入  
祠崇祀張邑侯邦泰旌貞淑流徽匾卒年七十八

豐順縣志

續修

卷之六

節孝

六

曾氏埔仔鄉張文藻妻幼端慧十六于歸十七歲夫  
亡含淚悲切恐觸親傷惟孝事翁姑無缺且好善  
樂施遇貧乏借貸必與有子姪無貲讀書應試者  
助修金贈考費不吝里黨皆稱爲女中丈夫撫嗣  
子亦克成立同治六年經學憲杜 聯旌以志潔  
名芳匾壽八十二歲

邱氏埔仔鄉張岱祝妻幼嫻姆訓十八于歸二十歲  
夫故矢志守義孝事翁姑撫養嗣子汝梅成立同  
治十三年提學章 鑒旌松筠繼美匾壽七十五

邱氏埔仔鄉張瑞香妻二十一歲夫亡撫夫兄子爲  
嗣上供菽水下撫孤兒持家不干棚外事同治六  
年督學杜 聯旌以婦節母儀匾壽七十五歲  
謝氏埔仔鄉張恂愉妻貞靜幽閒十八于歸二十五  
歲夫故早悲鸞散幸夢熊祥同崔婦之乳姑效郢  
母之教子後以子貴受封年終四十歲

何氏湯坑大山背鄉楊二水之童養妻也及笄時二  
水遠適不歸氏食貧作苦矢志守貞事翁姑盡婦  
道處妯娌相和睦撫孤兒政騰教之成立壽七十

歲光緒八年經善堂詳報旌表

豐順縣志

續修

卷之六

節孝

七

羅氏金湯寨吳振玉妻十六于歸二十九歲夫故生  
子女各一氏念親老子幼堅貞孀守耐苦持家事  
翁姑盡婦道教子女以勤慈壽至七十有九經善  
堂於光緒八年咨准旌表

黃氏埔頭雙河徐承選妻十七歲于歸十八夫故遺  
腹產一子撫孤事親婦道克盡壽七十九歲光緒  
八年善堂經詳准旌表

陳氏銅盤鄉馮克纘妻十八于歸二十九歲夫卒螟

齡三子撫養成人長子善繼以州同請封慰其孀  
守潔清之志卒年七十二經光緒八年旌表

陳氏埔仔寨張添遠之妻性情幽順十八歲于歸越  
四載夫亡氏冰霜勵志內則是嫻奉姑撫子孝慈  
備至親族伯叔嘉其德爲之另撥田產以獎其貞  
操焉卒年四十七光緒八年經詳准旌表

邱氏埔仔寨張詩响妻監生張國輔母也十八于歸  
二十五歲孀守孝順翁姑克盡婦道撫養嗣子成  
立族黨稱焉嘉慶十二年督學陳 嵩慶旌以吉

豐順縣志

續修

卷之六

節孝

六

金貞石四字壽八十五歲

劉氏環清人璜坑儒士鄒仁提妻十九歲于歸越明  
年生一子遂痛夫亡號泣欲絕舅姑乃慟諭之曰  
若不節哀將置藐孤於何地氏悟含淚操作婦供  
子職且嚴荻教道光二十三年學憲李 棠階給  
獎苦節延齡匾壽七十七歲子念祖列成均

鄭氏陷隍蜜坑鄉張和芳妻十七賦桃夭二十三歲  
悲黃鵠撒珥灑血傷動親隣爰擇大堂姪啟承爲  
嗣氏勉承翁姑意謹執婦道而終莫解其悲切抱

鬱而終年四十七歲

鄭氏縣城東廂儒士吳鴻序之妻十四歲歸吳二十  
八夫故生子紹銓髫髮初垂次紹綸未離襁褓龍  
鐘二白寢膳資人氏痛失藁砧俯仰誰靠於是勉  
供菽水苦學熊丸族戚咸嘉其儀則子紹銓生員  
卒年六十二歲光緒八年詳准旌表

林氏慧娘逕心林俊蘭女幼許字鍾國隆未結褵而  
鍾亡至十六歲父母令改嫁氏堅不可遂過鍾門  
以守其貞家貧淡勤操作矢志靡他道光年間邑

豐順縣志

續修

卷之六

節孝

十九

人譚茂才林鸞鳴等稔其貞節因白邑令劉 登  
榜以栢舟堅貞旌之儒學謝騰霄典史章銘全贈  
節符完壁匾都人士亦多作詩章以紀其儀型孝  
廉吳紅有詩云他年史館如修纂女曰貞兮吏曰  
循蓋嘉氏之節義堅貞洵足旌表也

鄭氏紫荊洞鄉楊璋卿之妻十八于歸二十歲夫故  
喪葬盡禮舉遺腹子靜齋教訓成立奉侍翁姑旨  
甘無缺壽八十歲乾隆三十年督學金 上松旌  
以松筠晚茂四字

陳氏北勝南陽鄉林時嵩妻十七于歸十八歲夫故遺腹生一子孝順舅姑撫孤孀守妯娌或有戲言輒避走壽七十二歲平日居家勤謹訓後有方子潤茂列成均嘉慶三年知縣劉嘉穎儒學謝東安旌匾曰彤管揚芳

費氏本籍河南嘉慶間李維楨宰汝陽時聘爲長子名舉者側室過門後先意承順恆得翁姑心及翁病無藥可治氏暗詢之醫者答以人肉乃可療否則殆矣氏遂夜半焚香默禱自割左臂肉烹而進

豐順縣志

續修

卷之六

節孝

人莫知也翁病果愈而氏因刀口滴血不止竟成瘡家人廉知其故述於翁姑氏終不肯明言且囑其母曰兒盡兒心何足介意無久瘡亦平復生子年至六十餘而終巾幗中有此孝世所罕見

葉氏布心社處士楊鳳南之妻自幼適楊二十三歲失所天僅一子孤苦零丁勵志孀守孝敬舅姑克勤荻教飲水茹檠歷四十餘年艱難萬狀氏端慎自持闡幃欽式迨以子楊貞勤王功授叅將遷居紫荆洞親見孫鍾岐授守府鍾嵩授州同衣冠濟



濟繞膝百餘人壽七十有二提學翁 心存採風

勵俗以節孝流芳匾旌之其子貞崇祀鄉賢事載

志乘人以爲如雋不疑之能遵母教云

陳氏和寨曾廣應妻十八歲于歸二十二而寡撫一

遺孤以存宗祀教子有方持家有法婦德洵爲無

愧卒年五十二光緒八年詳准旌表

邱氏后峯鄉徐德堯妻十八適徐二十歲夫故矢志

守節從一而終壽七十二歲計守節五十二年經

善堂彙詳准旌表

豐順縣志

續修

卷之六

節孝

三

楊氏金湯蔡德才妻十九歲番合二十一夫亡氏哀

慟欲絕杜守閨門而事翁姑處妯娌各盡婦道撫

嗣子思創孫阿連成立咸豐九年子與孫隨夫弟

德新往嘉應攻勦髮匪同時陣亡捐軀報國其忠

義激烈之氣由慈幃之教所致也光緒八年善堂

彙詳咨准旌表

陳氏斗牛山黃紹聚之未婚妻黃故時年方九歲遂

矢志無他過門守節勤持婦道孀居五十七年貞

堅松栢卒年六十五歲經同鄉京官吳永智等呈

咨禮部彙題准旌表建坊

李氏陷隍詹瓊園妻十七于歸二十七歲失偶子幼親老孤苦食貧氏事翁訓子孝慈兼至里黨稱之壽八十從一而終子偉士孫時省列成均後裔文楷岱俱有文名道光二十六年督學戴熙給以節孝二字

林氏蟬娘陷隍寨內人職員林世科女十六歲嫁朱紹江爲妻纔四月夫故氏痛苦悲切誓不自存頗解韻語嘗賦詩見志有不貪富貴不貪生之句惜

豐順縣志

續修

卷之六

節孝

三

全稿遺佚其母勸改適氏口佯唯唯數日後暗自脩理衣服針線紉身投江而死年十八歲節烈最著士論韙之

黃氏陷隍人監生魏依賢長媳青年孀守生子四夫亡時子尚幼秉性慈和持家有法事翁姑極孝敬能行人所難嫡姑張氏自二十歲病癩壽至九十三歲衣服汗穢無敢近者氏親爲澣濯侍奉始終無懈後四子皆有成氏亦壽登八十有六咸豐九年督學殷公壽彭旌以匾曰巾幗儀型

吳氏環清憇竹園武生王斌魁妻年十八魁以新進  
至城廂高田親迎于歸二十二歲夫故畢生孀守  
苦節堅貞螟蛉一子撫養成立家頗裕立愿造青  
潭驛路木橋並撥出田租八石與人耕管看守該  
橋遇洪水漲大卽以木筏渡人至今往來皆德之  
享年七十餘四孫納粟後裔克昌經入祀節孝祠  
胡氏潘田社陳林敏妻二十九歲夫故生一子甫九  
齡氏堅貞守節備極苦心事姑撫子孝慈兼至子  
照入國學道光二十八年經張邑侯詳准入節孝

豐順縣志

續修

卷之六

節孝

三

祠卒年八十四歲

陳林氏潘田銅坑鄉處士馮振衡妻年十七歸馮二  
十五歲夫故僅生一子氏善承翁姑意矢志撫孤  
勤儉持家課子成立經邑侯張 邦泰詳准入祀  
節孝祠孫曾秀監林立

陳氏九河社高砂鄉監生劉丹桂妻十八歲適劉年  
三十夫故堅貞孀守六十餘年內則是嫻慈育爲  
範生四子教撫成立壽九十四歲五代同堂子鳴  
鸞例貢餘俱國學且一門多臻中壽

楊氏布心社鄭國金妻早年夫逝志懷冰霜且善持家克勤克儉經教邑侯翊臣獎以栢節松貞四字嗣鄭松爲子以歲貢授信宜縣學孫亦遊庠壽終七十有八

徐氏小溪埧邑庠生吳濟翔妻十七歲于歸至二十五歲未有子翁與夫相繼而亡氏堅貞事姑孀守持家而營謀不讓丈夫志嘗自誓曰氏夫曾祖孝廉方正一家貢監相傳豈可失節以墜家聲凜烈之風不容泯滅焉

豐順縣志

續修

卷之六

節孝

廿

王氏建橋鄉儒士張希政妻十七歲于歸二十夫逝生子甫三齡時家淡丁稀翁姑悲切又恐媳立志不終氏泣抱孤兒跪告曰媳命不猶而萬不敢離二親拋呱呱以死亡夫之望於是并白躬操紡織爲事堅貞矢志慈孝兼全教子德陞成家入國學長孫森林遊泮鵬程晉雍孫曾多成名氏壽終七十七歲

彭氏大溜隍蓮塘鄉儒士杜朝英妻年二十一夫故遺幼孤俊卿起卿四壁蕭然甘貧守節事姑撫子

克盡孝慈卒年九十三歲子孫昌熾

魏氏林世舉之妻陷隍市人週歲過林門夫妻和合  
值將合卺時而夫故氏矢志無他事姑甚爲孝順  
乞請夫兄子爲嗣勤儉持家奉姑終老卒年五十  
一歲子孫挺秀

杜氏東陷鄉監生劉文通妻二十歲于歸夫遽先故  
事姑至孝教子有方里中有孟母之稱壽至九十  
有七六代一堂子四殿元生員秉元從九淑元歲  
貢孫曾繞膝多名者

豐順縣志

續修

卷之六

節孝

廿

陸氏年方三歲歸大樞社王肇柱爲妻十六歲夫故  
孀居貞守服侍翁姑立嗣承祧教養備至光緒四  
年提學吳寶恕旌松筠勁節匾卒年七十六歲  
蔡氏陷隍蜜坑鄉張佳敏妻年十三歸張十七歲夫  
逝舅姑以其年未及笄且無子每抱隱憂氏心惟  
從一貞守終身几杖代良人之奉蘋蘩修介婦之  
儀時年九十三猶督責子孫惟勤惟儉光緒九年  
許邑侯普濟獎以撫孤守節四字嗣子慶平繼承  
創業名列雍宮一堂四代

彭氏幼嫻姆訓年十歲歸布心棠荆角何允元爲妻  
二十五歲夫亡氏誓以身殉翁姑泣勸曰垂白在  
堂呱呱未成何以見吾兒於地下於是勉操井臼  
進甘旨教育孤子榮光勵志成人諸孫森列咸豐  
十年學政殷 壽彭褒以節孝流芳匾壽八十一  
而歿光緒八年善堂彙詳准旌表

邱氏占頭鄉陳尚如妻十八歲夫亡生遺腹子名意  
鳳鞠育教誨茹苦含辛雙白垂堂婦供子職姑李  
氏嘗稱之是善事氏歎如也年終七十三歲

豐順縣志

續修

卷之六

節孝

其

陳氏占頭鄉張順芳妻二十五歲孀居僅一子延師  
課督使之成立理家政井井有條常得翁姑歡壽  
九十六五代同堂光緒三年提學吳 寶恕旌以  
松栢冬榮匾子肇猷國學

張氏上林鄉儒士朱日脩妻十八歲于歸二十六夫  
故灑血孀閨誓志不奪事翁姑奉命惟謹撫二子  
勗以讀書及長遣就外傳供脩脯尤慤慤清儉自  
持荆釵布裙晏如也同治十年督學何 廷謙旌  
之貞型潛德壽七十二歲親見二子同科遊泮長

選青增貢次炎歲貢孫曾競秀

楊氏埔頭鄉和順坑徐亦盛妻十五適徐二十歲而寡生遺孤事親撫兒備極慈孝卒年七十七歲光緒八年詳准旌表

郭氏北勝溪西鄉李維辛妻十三歲于歸二十五夫故堅貞自勵誓不改節儉以持家莊以處已顧復二子丸秋有方咸稱松栢晚蒼焉壽六十二歲

胡氏陷隍儒士羅文猷妻結褵於十六歲越二年失所天子齒僅齷翁年七旬哽噎待祝氏孝敬循內

豐順縣志

續修

卷之六

節孝

廿

則之儀保赤篤誠求之念堅白自勵拮据持家經含飴者孫曾三十餘人壽六十九歲

洪氏大勝鍾明亮妻十七適鍾僅三日而夫亡氏堅貞自矢不苟笑言孝親慈幼儀修內則立夫兄子

為嗣同治三年督學王 澎旌沒齒完貞匾壽終七十七歲

劉氏小勝邱國清妻三十歲夫故子甫四齡家甚清淡氏獨賦性幽貞撫養弱息以期成立雖耄年相以外不聞警歎後子錫慶登大學多行善事皆承

氏之賢而教也壽至八十七親見一堂四代

譚氏小勝李國棠妻二十九歲失偶翁姑俱耄侍養  
需人氏敬菽水誓不改節每當自織輒呼幼子從  
旁雜誦便書聲與機聲相和其靜貞之性洵爲四  
德芳型乃翁庠生李龍光聞之不覺破涕爲笑嘗  
對人稱曰是爲吾之賢媳婦也卒年八十五歲

劉氏小陷隍葉孟作妻二十九歲稱養姑老子幼哀  
感族鄰氏矢志堅貞勤操十指事姑盡敬教子以  
慈學憲翁公方綱旌栢操松壽匾卒年七十八歲

豐順縣志

續修

卷之六

節孝

其

廖氏小陷隍庠生葉德華妻年三十二夫故家徒四  
壁羣雛呱呱氏能明大義甘心守節勤勞操作藜  
藿充庖惟期養兒長大成人不易玉潔冰清之德  
壽百有二齡而終親見五代同堂

李氏小陷隍處士朱學善妻二十歲失伉儷且無子  
人方以爲憂氏節義明心堅持從一冰霜勵志貞  
靜形單嫻內則克全婦道主中饋不苟笑言壽終  
七十四歲

王氏城西大街李維標妻十八歲歸李二十六歲夫



逝二子尚幼兼雙白垂堂氏謹守孀幃事親撫孤  
孝慈備至且持家勤儉勵志幽貞壽終六十五歲  
光緒八年詳准旌表子國珍遇春庠生重輝職監  
吳氏雙螺口張丹鳳之未婚妻聞丹染嘔血症家有  
白衣觀音旦夕默禱年十九歸丹舅早故姑嫜妯  
娒前動循規範及丹病篤問何以自處氏泣曰相  
從地下耳亡何丹卒計于歸僅十六個月氏血淚  
俱竭亟誦爲夫立後姑以長媳生之第二子爲其  
嗣越數日抱兒向姑妯伯叔前拜曰呱呱藐孤賴

豐順縣志

續修

卷之六

節孝

廿

姑等撫養成立姑覺其有引決意密訪之復改容  
操作忽一日給家僮云我房內羣鼠聒噪爾爲市  
砒礪毒之值丹亡七虞之夜遂自毒姑隔牆聞哽  
咽聲疾往視之尚能言救之不醒黎明溘焉而逝  
矣年終二十歲光緒八年詳准旌表

彭氏山芳鄉儒士盧集朋妻十五歲歸盧二十六夫  
故僅一子家貧孀守孝事翁姑撫育孤兒艱劬備  
至年七十二歲子建猷因髮逆竄境帶勇効勞經  
錢邑侯保獎六品孫樹棠監生

彭氏小留隍新池鄉胡傳洲妻十五歲于歸越一年而寡氏甘心守節且孝事翁姑時年五十二歲

彭氏縣城東廂吳泰業之妻十二歲適吳二十五歲

夫故生一子僅週歲家酷貧移柩葬具條嘗辛苦

幾不欲生轉念一綫孤懸不撫養成成人非特九原

難瞑堂上皤皤將謂之何迺吞淚承歡鬻薪哺子

教之成立時年六十九

子探淇從九請封光緒八年趙邑侯詳准旌表在案

謝氏占頭鄉楊元喜妻六歲適楊二十五歲夫故子

玉麟甫三歲家甚貧紡績養姑晝荻訓子勤勞撫

豐順縣志

續修

卷之六

節孝

三

育備極堅貞光緒四年督學吳寶恕旌以松筠

勁節匾時年八十四歲子六品軍功

柯氏金湯寨蔡宗通妻二十歲產二子而夫故家徒

四壁氏矢堅守事雙親撫二孤終始如一備歷艱

辛時年六十歲光緒八年善堂詳准旌表

馮氏楊梅坑朱君門妻十六歲于歸生二子至二十

三而寡家雖貧事翁姑能盡婦道勗幼稚和妯娌

不苟笑言且賦性純良勵心貞節時年六十六歲

鍾氏小勝李凌雲妻二十歲孀守事翁姑克盡婦職

撫育遺孤六歲篝燈課督訓至成人時年七十一  
鄒氏璜坑人年十八歸雙螺口車欄上張朝經爲妻  
二十八歲生子甫六月而夫亡氏矢志孀守善事  
舅姑勁節凌霜撫孤成立子登廷孫錦芳俱登黌  
序時年七十五歲孫枝競秀

江氏丹竹坑儒士盧集慶妻二十歲失所天家徒四  
壁雙白在堂氏飲泣承顏茹荼勵志翁姑憐其節  
立嗣繼之氏撫養如已出教之成人嗣子肇基因  
髮逆竄境隨錢邑侯効勞保獎六品氏年六十八

豐順縣志

續修

卷之六

節孝

三

許氏蓮塘鄉監生杜廷輝妻年二十六而寡立夫堂  
姪爲嗣氏姆訓夙嫻翁姑前動必以禮并白澣濯  
始終供奉不懈迺嗣子不祿又復立孫鞠育撫養  
兼施勞愛卒年六十督學汪鳴鑾旌匾節媿松筠  
吳氏環清桂堂園儒士王繼盛妻年二十二夫亡孤  
亦旋歿立嗣閔鬻妯娒感傷氏轉思白髮無依乃  
收淚供職堅守孀閨督學胡瑞瀾旌以節孝可  
風四字時年八十三歲

彭氏環清堡王洪友妻二十七失伉儷一孤尚幼二

白在堂氏視膳無缺并白勉操孀閨紡績課督孤  
兒成立時年五十六歲

羅氏環清岡下圍劉起順妻乳哺歸劉七歲失夫八  
歲翁逝氏矢心從一茹素養姑以終餘年又撫羣  
姪婚娶完姻嗣其一以延夫後洵爲童貞孀闔巾  
幃完人時年六十五歲

吳氏雙螺口張紹箕妻十六歸張內則克嫻事孀姑  
必恭敬止乃至二十五僅遺一子而夫故氏含悲  
飲淚暗自盡婦職而鞠育撫孤不忍哀號而感傷

豐順縣志

續修

卷之六

節孝

三

寡母心者幽貞堅守節孝芳徽時年五十七歲子  
樹棠克成立入大學

劉氏產溪靈水鄉監生譚英挺妻二十八歲夫逝二  
子尚幼劬勞鞠育慈愛兼施侍奉翁姑盤匝盡職  
性純謹惟示荻教不聞嚴厲聲時年七十四歲長  
子洲例貢次灃縣丞銜

張氏璜坑上興圍處士鄒仁春妻二十四歲無出而  
夫永訣氏欲以身殉孀姑廼泣勸其節哀遂立夫  
胞兄之六子名用中爲嗣於是冰霜矢志闔幃肅

然羹湯侍奉未嘗稍缺紡績之暇則勗兒力學且以吃虧畢竟受益之語訓兒姪輩時年七十三歲孫曾繞膝

張氏璜坑鄒顯曾之妻二十歲賦宜家甫周歲而悲黃鵠附膺抱痛九死一生家人憐其無嗣遂以夫兄次子振勳爲繼氏性近烈門以內常嚴肅而其處姑嫜妯娌却具和婉時年六十四歲子振勳國學長孫耀璋府試冠軍入武學

鍾氏大田譚英全妻二十八歲夫故遺雛尚幼顧影

豐順縣志

續修

卷之六

節孝

三

無依乃挺節堅貞從終撫子提學章公蓋旌以遐齡亮節四字時年七十六歲子之楨從九請封

鄭氏儒士譚上承繼室十九歲歸譚適土匪古聲揚等勾盟擾亂上承督率義勇堵禦防勦被賊逼斃時氏方二十二喪葬盡矢志守節立嗣撫育以承後今年五十二歲

吳氏環清高屏園儒士王大賓妻二十四歲夫永訣氏灑血悲號聞者傷感舅姑哀慟更不忍言族戚因爲之立嗣以承後氏於是勉操井臼奉養庭幃

撫嗣娶媳恩勤備至乃螟蛉二子俱早喪亡姑媳一家同矢貞守孀閨深靜僅見孤孫爲一綫之延其伶仃有可憐者督學葉以筠節流徽旌之時年七十三歲

郭氏陷隍廩貢生朱鳴玉妻二十八歲寡居一子僅三齡氏劬勞撫育愛養兼全堅守操持冰霜勁節時年六十七歲

劉氏占頭陳榮勳妻二十一歲生一子夫卽經商遠出病亡家徒四壁鄰婦憇憇再醮氏以姑老子幼

豐順縣志

續修

卷之六

節孝

三

誓不改節作羹分哺上下周全以子家邦得封典四代同堂許邑侯普濟旌栢勁松貞匾年五十七鄭氏陷隍詹其珍妻二十九而寡四子俱幼且家貧姑老氏善持閨範事姑盡職訓子有方人稱其德時年七十二歲長子經以從九請封典少子史廩生子孫繞膝

林氏陷隍居林鄉朱耀東妻二十四歲寡居子之黠僅一齡氏劬勞撫育孀幃肅然表潔奉親鄉里稱孝時年五十八歲子邑庠孫挺秀

杜氏葛布鄉李毓傲妻年二十六夫貿易外邦而故  
遺孤纔半歲氏苦志撫養不憚劬勞子文珠受荻  
教入國學壽八十五歲

吳氏下湯彭朝嵩妻十二歲于歸十四歲夫往外洋  
身故氏獲凶問披麻飲泣冰檠自持苦節事親採  
樵供職及翁姑歿先後嚮釵釧殯葬哀毀盡禮族  
鄰咸稱其賢孝卒年六十二歲

陳氏環清監生劉瑞友妻年二十失偶遺腹生一子  
名集大氏念高曾祖父皆一綫僅延教育孤雛聲

豐順縣志

續修

卷之六

節孝

三五

與淚俱子亦感泣發憤讀書遊庠入貢氏卒年八  
十一後嗣藜輝增生運飛庠生上騰廩生登魁致  
中拔貢玉樹廩貢 欽賜副榜

王氏滿娘環清盈倉圍王三考女幼許配建橋張秋  
苑爲妻張以貧不能具聘女年二十六閭旁議勸  
退婚女以從一自持不甘改適連次服毒急救復  
甦旋投水明志挺勁節而付波中守貞魂以居泉  
下冰清玉潔洵女流之冠

何氏環清鄭智奇妻年二十夫歿立夫堂姪足鳳爲

嗣氏撫育辛勤勉以遠大奉侍庭幃從無忤色孀  
閨貞守問視以外罕與閒言壽七十三歲子列成  
均孫枝秀發

陳氏產溪鄉儒士彭恆捷妻十六于歸二十四歲夫  
亡家貧守貞不妄言笑舅姑前小心侍奉敬慎無  
違壽七十七歲道光十九年陳邑侯發新儒學祠  
儒詳咨部准旌表

劉氏產溪鄉儒士彭從龍妻十二歲歸彭二十九夫  
故矢志守節孝事翁姑敬先則表潔蘋蘩訓子則

豐順縣志

續修

卷之六

節孝

三

追徽丸荻道光二十八年張邑侯邦泰詳准旌表

鄭氏小樁儒士楊顯城妻十四歲適楊閱二年而藁

砧響絕高堂髮白侍奉需人膝下雌黃乳哺虛望

氏則冰霜耐冷矢志靡他爰立嗣以承後孝親撫

子拮据忘勞道光二十六年督學戴 熙旌以節

孝二字壽終七十有四子二

朝喜早逝  
秀松監生

孫多秀監

鍾氏大田處士譚斯乾髮妻歸乾逾載而乾患痰喘

氏日侍湯藥不見效遂歸甯與父母訣曰壻死兒

必相從願二親靜養勿以薄命女爲念也旋泣請



舅姑立嗣續後畢乘乾病革閉戶自經而復甦越三日夫妻偕入南柯夢矣因其壙葬詩曰生同室死同穴其譚鍾氏可以風

陳氏產溪靈水鄉譚榮元妻結褵於十六歲至二十一夫亡而無子幸側室陳氏二十歲獲舉二丁氏撫之如已出且能逮下事翁姑極承順常得親歡洵爲一門雙節孝氏年六十八妾年八十七終壽子英健監生英揚從九品

朱氏松林鄉處士何慎圖妻十八歲于歸二十六僅

豐順縣志

續修

卷之六

節孝

三七

生一子乳哺四月而夫亡氏皎日矢心堅冰勵節事奉翁姑雖菽水旨甘盤匱必潔撫幼子成立家道寢昌督學全慶旌冰檄銘徽匾壽八十五歲光緒八年詳准旌表

李氏湯坑石湖鄉陳壽成妻十八歲適陳二十二失偶事舅姑盡孝道撫幼稚以慈心端莊和睦苦節松筠年七十一歲歿子文盛武盛俱監生

吳氏大田鄉譚斯翰妻十六歲于歸二十二夫故矢志從一刻節鏤貞雖蘭兆未徵而擇賢立嗣撫養

倍劬勞咸豐元年督學許公乃釗旌以栢節松心  
匾卒年七十歲

謝氏大田譚維部妻十七歲歸部至二十五而部卒  
僅生一子氏撫孤矢志迨四十五歲孤兒賢慰又  
卒家徒壁立媳不能留遺二幼孫呱呱待哺氏復  
恩勤憫鬻拮据支持藜藿自甘絕無怨悔卒年七  
十一歲

朱氏大田譚維圮妻十八歲于歸二十八夫亡雖無  
所出而志不少移立嗣撫養以續夫後九菽之教

豐順縣志

續修

卷之六

節孝

三

倍極辛勤同治八年提督學杜 聯獎給彤管揚

芳四字卒年六十九歲

劉氏高屏圍王財臨妻自幼不妄言笑十七歲于歸  
二十二夫故傷慟無以自容僅遺一女方四歲舅  
姑且泣勸其節哀迺與寡嫂吳氏共承菽水立嗣  
子二撫養成立孝慈兼至卒年六十五歲督學葉  
大焯旌匾曰松筠節茂

丁氏璜坑田背鄉監生吳世芳繼室十六歲學執婦  
道值夫棄世氏年二十八無出矢志從一茹素念

經先是其夫在日慮乏嗣氏勸娶妾以延宗祀適  
娶童氏十六歲入門未久世芳忽邁沉痾童氏躬  
爲煎藥竭力服侍俄而世芳卒童氏年方十九事  
嫡如母遂依以終身後立子各一互施慈訓俱列  
成均丁氏卒年五十七歲童氏卒年四十八光緒  
八年均詳准旌表

何氏九河社儒士鄭士義妻十八歲于歸二十四僅  
生一子而夫亡家甚貧氏以針黹度活撫養孤兒  
侍奉孀姑克盡孝順守貞閨闔不苟笑言同治六

豐順縣志

續修

卷之六

節孝

三九

年錢邑侯誦清詳咨部准旌表卒年七十五歲

魏氏九河社鄭永棟妻年十三適鄭後生二子二十  
二歲夫故翁姑亦相繼病亡家貧如洗氏堅貞孀  
守賴採樵傭工度日撫養二孤兒艱苦備嘗終不  
變栢舟松筠之節同治六年族紳鄭流向等呈請  
錢邑侯誦清詳准旌表壽七十二歲

管氏九河社儒士鄭流鎔妻自幼入鄭門遵姑命守  
婦道二十三歲夫故欲以身殉姑嫜再三慰諭以  
撫遺孤繼宗祧爲重氏乃飲泣吞聲孝事孀姑訓

子成立族戚咸稱焉同治六年族紳鄭鳴謙等呈請錢邑侯誦清詳准旌表時年五十四歲

光緒八年制軍丁 於揭陽善堂採訪節孝彙詳經奉旨准其旌表建坊在案今將節孝姓氏載列於後

唐氏下角鄉盧鴻能妻三歲適盧二十八歲失伉儷堅心孀守矢志靡他挺勁節於三十三秋赴泉臺於時六十歲

馮氏仙洞鄉劉昌彥妻十八歲于歸二十二歲夫故孀居五十八載耐雪貞心享年七十九歲

豐順縣志

續修

卷之六

節孝

四

鄧氏城廂大街曹慶爵妻十七歲于歸二十一歲夫故貞操堅守從一而終卒年五十一歲

蔡氏下溪鄉黃受業妻十八歲于歸二十一孀守深閨霜冷清節冰堅卒年三十七歲

彭氏小溪埧何鼎成妻十九歲于歸二十四而寡清操自守飲槃茹荼卒年五十歲

藍氏小溪埧吳亦命妻二十歲于歸二十八而寡栢舟誓志栢節貞心卒年五十有二

謝氏埔仔寨張雙能妻十八歲于歸二十五而寡堅

持貞潔內則修儀卒年四十四

王氏城廂南門外吳永恂妻十七歲于歸二十而寡

守四十三載幽貞苦節冰雪同芳卒年六十二

鄒氏璜坑田背吳泰華妻十七歲于歸二十九而寡

孀居孤守五十七年貞符冰玉卒年八十有五

彭氏城廂吳永享妻九歲適吳十八歲孀守幽淑清

貞持家勤儉事孀姑克全婦道撫嗣子鞠育有方

矢苦節於六十五秋閨幃霜冷幸繞膝有孫曾衍

慶彤管傳芳壽終八十三歲子昌言從九品

豐順縣志

續修

卷之六

節孝

四

黎氏橋仔頭吳孟聰妻十八歲于歸二十九夫故孀

守五十三載卒年八十一歲

陳氏橋仔頭吳昌智妻三歲適吳二十五而寡矢志

無他堅心從一卒年六十五歲

吳氏仙洞鄉生員劉春魁妻十六歲歸劉二十六歲

失偶幽貞堅守婦道能全操作勤勞笑言不苟卒

年六十二歲

黎氏新陂鄉吳泰紹妻十八歲于歸二十二孀守心

堅冰玉節比松筠卒年八十歲

鄧氏新陂鄉吳亦彩妻年十八于歸二十四歲悲黃  
鵠孀居貞守冰雪同心卒年七十四歲

劉氏建橋鄉監生張鵬程之長媳儒士張祖觀妻二  
十歲于歸二十四僅生一子而夫故氏恩勤鞠育  
撫養孤兒於舅姑前奉事尤謹視膳不違孀守貞  
操人言無間卒年五十二歲

吳氏布心社鄭恩魁妻十八歲于歸二十二歲夫亡  
氏自縊以殉之死靡他

吳氏小溪埧何德丙妻十八歲于歸咸豐十年德丙  
從軍勦賊陣亡氏聞耗自縊以殉時年二十六歲

豐順縣志

續修

卷之六

節孝

四

劉氏小溪埧吳永瑞聘而未婚妻二歲適吳七歲永  
瑞病亡氏矢志守貞不變其節年三十五而卒

鄒氏陶下鄉吳世元妻十一歲適吳二十四夫故清  
操矢志貞守堅心卒年八十有二

陳氏埔仔鄉監生張觀光妻年十八于歸二十九夫  
故以姪爲嗣孀守二十餘年事親撫孤孝慈備至  
且姑病不起床禱者六年氏躬親奉侍湯藥朝夕  
不離及姑故執喪盡道卒年五十八歲

劉氏建橋園張崇基妻二十八歲孀守奉姑嫜克盡

婦道處妯娌相率以和撫養孤兒教之成立貞心

耐雪關範嚴霜時年七十三歲子仲濱國學

鄒氏下湯社彭能正妻二十二歲寡居堅貞自守苦

節凌霜慈孝儉勤人言無間時年八十三歲

吳氏建橋鄉監生張如松卽開榜之妻二十七歲孀

守持家侃烈誓志無他時年六十四歲

張氏新陂鄉吳泰景妻二十一歲失偶孀居貞守惟

勵從一之冰心時年六十一歲

豐順縣志

續修

卷之六

節孝

四三

譚氏三角塘吳世儀妻二十一歲寡居堅心守節冰

築同貞時年六十八歲

彭氏橋背鄉吳亦理妻二十五歲孀守矢志無他節

操松栢時年五十四歲立嗣撫養教之有成

黎氏橋背鄉吳亦穎妻二十六歲失偶幽貞孀守不

易堅心時年六十九歲撫遺孤成立孫曾繞膝

張氏松林社鄭禮香妻二十歲孀守堅貞勵志勤儉

持家撫育孤嗣孝慈盡職時年五十六歲

洪氏松林社鄭芳英妻十七歲孀居矢志栢舟心堅

松節時年五十六歲

朱氏小溪埧吳亦緯妻十七歲孀守矢志從一貞淑  
勤操人無間言時年八十八歲

何氏雙螺口張衍六妻三歲適張後衍六出外身故  
且家淡氏矢志全貞不甘改適時年七十一歲

李氏大樵社橋背儒士吳瑞蘭之妻十三歲適吳二  
十五歲夫故氏矢志守節孝順翁姑尤能教子成  
立時年五十歲子鳳生邑生員

吳氏雙螺口張雙魁妻自襁褓歸張至十五歲因雙

豐順縣志

續修

卷之六

節孝

四

外出而故氏甘心守節之死靡他時年六十一歲

劉氏建橋鄉儒士張崇高妻二十七歲孀守撫一未

週歲孤兒劬勞倍切奉侍家姑譚氏視膳必虔且  
賦性柔貞舉動出入笑言不苟惟以持家宜勤儉

訓兒媳卒年六十四歲子邦盛克成立孫支秀發

王氏建橋鄉儒士張錫書妻二十九歲失所天生二

子尚幼氏堅貞矢志苦節冰心撫育幼兒慈愛備  
至處姑媵妯娌皆稱其賢時年七十七歲子百魁  
孫孤塔俱國學孫曾並秀



王氏建橋鄉張永浩妻十四歲結褵越三年而寡氏  
含悲飲泣冰雪盟心孀守貞堅事姑尤謹迺立夫  
堂姪振階爲嗣撫養長成策名大學同治九年經  
督學胡公瑞瀾旌節孝可風四字現年五十四歲  
王氏建橋鄉儒士張錫連繼室二十九歲失所天生  
一子甫週歲氏堅心孀守孝事翁姑撫養遺孤劬  
勞備極且持家勤儉閨範肅然時年六十七歲子  
廌岡習武援例納監孫支挺立

鄒氏建橋鄉監生勉贈昭武都尉張步梯妻二十九

歲悲黃鵠生二子俱髫齡氏矢心孀守撫育遺孤  
治理家事有丈夫志且能承順庶姑婦供子職時  
年五十二歲子汝清亦克成立膺正四品封銜

張氏環清桂林樓生員王之楨妻二十九歲寡居氏  
悲切哀號甘心守節立嗣撫養矢志無他時年五  
十五歲

藍氏高田圍吳喜遠之妻十三歲于歸二十歲而寡  
心堅守義節勵潔貞時年六十一歲

王氏高田圍吳喜初妻十六歲歸吳二十二失偶氏

誓不改適甘守孀閨從一而終可爲閨範時年七十有七歲

鄒氏高田園吳喜標妻二十二歲寡居飲檠茹冰心甘苦守撫嗣承後志切堅貞時年六十二歲

劉氏高田園增生吳亦綸妻二十八歲孀守冰霜耐冷擬松栢之節同堅慈育恩勤思宗祀之延繼續時年六十三歲

鄭氏南廂吳得昭妻七歲適吳二十四歲孀守勵貞節而矢志堅撫孤持家勤劬備至時年七十五歲

豐順縣志

續修

卷之六

節孝

四

何氏雙螺口張衍琨妻二十八歲孀居守貞從一勁節凌霜撫育承祧堅心持雪時年七十五歲

吳氏建橋鄉儒士張崇登妻二十歲孀守性慈淑志堅貞事翁姑克盡婦道撫嗣子倍切恩勤乃兒媳俱早喪僅遺孤孫莞莞子立經督學何廷謙旌以節孝流徽匾壽終七十六歲孫曾繼起

何氏建橋鄉張崇景妻二十六歲孀居生二子尚幼長泮聲因念夫弟崇登早故撥次子泮興爲之嗣嫂孀同門守節翁姑均憫其貞撫子養孫備嘗艱

苦事親養志克盡承歡時年七十六歲

張氏灘下鄉許粵文之妻二十四歲孀守堅貞自矢

飲泣茹荼慈育為懷撫孤承志時年八十八歲

藍氏建橋鄉處士張懷英妻十二歲適張克嫻內則

二十二歲而寡彌切貞操生一子甫三齡氏恩勤

撫養孝順翁姑姑患目病尤與二兄嫂鄒氏朝夕

舐洗數月而愈督學馮爾昌經旌節孝揚徽匾

時年五十八歲子嘉穀從九品孫森立

吳氏建橋鄉處士張兆基妻十二歲適張二十六而

豐順縣志

續修

卷之六

節孝

四七

寡生育二子劬勞撫養孀閨貞守勤儉持家時年

五十六歲

吳氏建橋鄉處士張崇翼妻二十五歲因夫外出身

故而寡翁姑在堂氏奉事惟謹撫養三子示以儉

勤堅心從一時年五十七歲

鄭氏環清堡王獻安妻自幼適歸十八歲而獻安故

青年失偶氏堅心守節從一而終時年七十八歲

彭氏產溪社湖田朱君協妻二十八歲寡居冰雪持

心栢松勵節撫養幼子教之成人時年五十八歲

曾氏埔仔鄉張親能妻二十歲于歸二十八孀守志  
勵栢舟節持彤管年八十有五歲

朱氏環清堡王曾祥妻八歲適王十七歲夫故清操  
貞守從一而終年四十八歲卒

徐氏湯坑大山背楊三友妻先是三友外出未回氏  
將及笄父母舅姑擇吉娶歸楊門其祖母牽氏手  
拜碓臼而成婦禮抱養一子政根繼後及根娶妻  
徐氏歸根又夭亡復立孫撫養姑媳相守孀幃貞  
符冰玉父子續承宗祀膝繞孫曾三友妻之守節

豐順縣志

續修

卷之六

節孝

四

撫孤其苦心洵堪昌厥後時年七十有五歲

陳氏金甌寨楊政安妻十三歲于歸二十五夫亡氏  
哀毀盡禮矢志守節在舅姑前備極誠敬事庶母  
尤謹撫嗣子有義方時年五十六歲

邱氏金甌寨楊世掌妻自襁褓適楊二十五歲夫故  
矢志守節動循禮法立夫姪政丙爲嗣今孫曾衍  
慶時年八十三歲

吳氏東里鄉陳連增妻十五歲于歸二十二歲夫故  
性情溫淑從一守貞時年七十二歲

吳氏東里陳謙瑞之妻年十六適陳十九夫故堅守  
貞節孝順翁姑族戚欽之時年五十四歲

邱氏柯屋寨鄭壬申妻自幼適鄭二十九歲夫故家  
貧守節孝親撫兒族黨推重時年五十五歲

王氏埔仔鄉張明倫髮妻十七歲于歸生二子二十  
二歲孀守上奉菽水而得親歡下和熊丸以成母  
教持家謹肅洵爲巾幗鬚眉時年五十三歲

羅氏埔仔寨張五娘妻十五歲于歸二十五夫亡盤  
匱侍奉庭闈盡子婦之誠茶檠含茹丸菽垂母儀

豐順縣志

續修

卷之六

節孝

四

之訓裙釵荆布艱苦備嘗時年五十七歲

羅氏埔仔寨張集福妻六歲適張二十一歲孀守含  
荼飲泣養嗣子以繼宗祧栢節松筠持終身可爲  
儀則時年五十七歲

黃氏埔仔寨張喜雲妻十二歲于歸二十一歲夫故  
翁姑悲切撥第四男所生子以繼其嗣氏執喪盡  
禮撫養劬勞孀守堅貞始終不變其節事親亦克

順承時年六十二歲

羅氏埔仔寨張書亭妻十八于歸卅二歲生二子而

夫故氏堅貞守節并白躬操孝事翁姑撫養孤稚咸豐十年殷學政壽彭旌松筠勵操區壽八十歲吳氏大羅鄉邑庠黃斌妻十八歲結褵二十一失偶翁尚在堂乃立嗣續其後氏孝親撫子備極勤勞勁節凌霜堅持貞守時年五十三歲

蔡氏金湯寨黃可輝妻十七歲于歸二十五慘賦栢舟食貧終寡茹荼飲苦撫育遺孤乃晚年子孫俱逝形影相弔饔飧惟叔是賴人皆憐其苦節焉現年七十六歲

豐順縣志

續修

卷之六

節

三

徐氏金湯寨卓齊秋妻十八歲于歸二十五孀守生遺腹子文煥撫養成人爲之娶媳劉氏年二十產子成孫乃文煥出外身故姑媳同撫孤孫一門雙節而劉氏事孀姑撫弱息尤倍殷勤操并白勵冰霜其堅貞節時姑年七十六媳年五十四

高氏金湯鄉林初昇妻十五于歸二十二夫故奉姑克孝訓子有方勤紡績以給饔飧勵栢松而堅貞節時年五十三歲

黃氏金湯寨蔡東初妻十五歲于歸克脩婦道生三

子二十七歲夫姑相繼云亡孑身無靠惟勤針黹以養遺孤堅耐雪霜以貞苦節食貧自若守志清操時年五十八歲

吳氏溪頭鄉邱家節妻自乳哺適邱夫故時年二十六僅遺一女家道貧寒機杼度活矢志孀守始終不易其心事翁姑尤孝敬時年五十六歲

徐氏和寨曾廣讀妻十八于歸習婦道孝翁姑甚稱賢淑至三十夫故遺二子尚幼氏劬勞撫養倍切艱辛矢志節貞彌堅茹苦時年五十五歲

豐順縣志

續修

卷之六

節孝

五

邱氏和寨曾德興妻十六歲于歸性情和順十七孀守冰雪堅持立子爲嗣教以成立時年六十八歲

劉氏銅盤鄉馮天惠妻十八許嫁二十二歲夫亡侍養尚有家姑乳哺僅遺生女氏堅貞自矢服事殷勤飲爨茹荼倍嘗辛苦時年八十五歲

黃氏埔頭鄉徐振康妻年十六于歸二十四歲夫故志節端莊笑言不苟清貞勤儉欽式閨幃時年六十歲

黃氏赤草鄉劉新時妻自襁褓適劉二十歲夫故含

淚事親克勤婦職及翁姑謝世彌勤耕織辛苦倍嘗養子爲嗣教之成立冰心貞節歷久不渝時年五十四歲

蔡氏和寨陳式玉妻十八嫁陳生一子二十四夫亡抱孤養親和睦妯娌持家勤儉勵志節貞乃子娶婦羅氏子年二十又夭亡姑媳居孀親族感痛爰議立孫繼後蔡時年六十六歲

黃氏新寮黃儉之女十九歲適坡尾樓監生蔡煥明爲妻二十四夫故氏堅貞守志時年八十一歲有

豐順縣志

續修

卷之六

節孝

五

子蔡虹武舉孫支挺秀

謝氏橫坑謝仁之女十八歲嫁坡尾樓監生蔡旭昂爲妻二十三夫故松栢矢志孝慈養志教子經邦成立晉雍時年六十歲

吳氏埔頭后崙鄉徐明捷妻十九歲以翁歿過門守孝越六日夫相繼亡氏哀毀盡喪誓志從一抱兒子爲嗣教養備至雖家貧食乏而堅心苦節終不易其貞操時年五十八歲

邱氏后崙鄉徐國華妻克嫻內則十四歲于歸越七



年而失藁砧撫一遺孤劬勞備歷志堅冰雪藜藿  
自甘時年八十三歲

曾氏埔仔鄉張蔚文妻十八于歸而夫因苦志力學  
旋獲病亡氏悲痛守節遺腹生一子撫養長成延  
師課讀又常以書帷示其夫用功處其子激勵因  
以英年成名洵爲貞儀荻教時年六十六歲

羅氏埔仔寨張清輝妻十八歲過門二十一孀守苦  
節堅貞事親孝敬時年六十八歲

陳氏埔仔寨張簡淡妻十六于歸越年夫故堅持音

豐順縣志

續修

卷之六

節孝

三

節耐雪經霜時年八十四歲

陳氏埔仔寨張志淡妻十五歲適張而無出夫納妾

吳氏年十八性情柔順事嫡如母樛木葛藟各安

分願里黨嘉稱乃氏年念八妾二十一良人棄捐

相泣中庭皆矢志靡他栢節松筠同堅苦耐時年

氏七十六歲妾年六十八歲

曾氏埔仔寨張習傳妻十五歲嫁張二十九守節性

情和淑善事孀姑時年六十九歲

黃氏埔仔寨儒士張永年妻十八歸張諧伉儷事八

姑乃二十四歲失所天氏飲泣含悲未嘗見齒撫  
孤子成名鬻序經督學旌松貞栢操四字時年六  
十有八歲

張氏橫坑謝仲景妻十一歲適謝二十夫亡氏冰雪  
自持誓不改節時年七十六歲

蔡氏高美鄉羅紫棠妻孝事翁姑善處妯娌年二十  
九夫故氏守閨門訓嗣子矢志堅貞時年六十三  
陳氏大湖洋徐喜兆妻二十九歲夫故遺一男一女  
而家貧如洗氏牽蘿補屋矢志守貞孝順翁姑承

豐順縣志

續修

卷之六

節孝

五

歡無缺迨婚嫁畢家道亦成人咸稱翠竹蒼松嚴  
冬挺秀時年五十六歲

劉氏藍田金甌寨林大漢妻自幼勤謹有婦德十二  
歲適林家承順翁姑克操并曰乃夫外出無歸氏  
惟封髮守義維紡維織無非無儀持家有道奉養  
必虔至四十六撫夫姪爲嗣教之成立人以爲女  
丈夫時年六十八歲

張氏溪頭鄉邱家業妻二十四歲孀守僅生一子以  
延宗嗣氏勵志自守貞節堅操撫遺孤至於成

立時年五十七歲

劉氏建橋鄉儒士張世熒妻十七歲于歸適夫因攻書染熱病至二十四而寡氏勵志堅貞栢舟自比立夫胞兄子二爲嗣撫養成立並爲之畢姻姑嫜妯娌間無詬誶而有婉容奉庶祖母蔡氏尤謹常得老人歡心光緒四年提學吳寶恕旌松筠勁節四字時年六十歲子鑑衡國學孫支森列

黎氏建橋堡黃坭塘藍鼎祥妻自襁褓適藍年十六未締合而鼎祥外出不回氏賦性純淑端莊動必

豐順縣志

續修

卷之六

節孝

五

以禮及聞鼎祥故愈矢志守貞堅心從一舉止勤儉洵爲巾幗完人時年五十四歲

林氏上洋羅禮發妻二十二歲失偶苦守孀閨志堅貞節姆訓嫺習可作壺儀時年五十七歲

楊氏蓮塘鄉陳創增妻二十八歲寡居心惟從一茹荼蘼以守幽貞時年五十三歲

陳氏埔頭雙河鄉徐承祜妻二十五歲孀守持家有道猶是幽閑貞靜之儀教子以慈惟思孝敬儉勤之則時年五十四歲

傅氏埔頭鄉徐德雄妻二十五歲孀守夙嫻姆訓賦

性端莊矢志堅貞持家勤儉撫嗣子而劬勞鞠育

事翁姑以孝敬終養壽六十二歲子炳彰國學

張氏縣城龍蟠園吳敦仁妻二十九歲失偶家翁歿

故惟姑尚存氏矢志栢舟終不違侍奉承顏而失

婦道螟蛉一子以續宗祧甫歲餘撫養備至教之

成立時年六十九歲子炳堂以從九請封

蔡氏銅盤鄉馮善繼妻二十九歲孀守栢節矢志貞

操堅志撫養盡道里堂稱之時年六十三歲

豐順縣志

續

卷之六

五

蔡氏銅盤鄉馮世達妻十七歲夫永訣心惟從一節

符松栢之挺堅義可全三嗣續螟蛉以承後時年

五十三歲

張氏松林社吳永書妻十三歲于歸二十九歲孀守堅

貞勁節孝親撫嗣時年七十二歲

吳氏建橋園儒士張樹業妻二十九歲孀守三子尚

幼祖母寡姑年老侍奉需人氏視膳必虔撫育幼

兒慈愛兼至閨幃霜肅彤管風清時年六十三歲

子克成立次 賢從九品請封孫支競秀

張氏大堪社楊朝全妻二十八歲孀守深閨月冷堅  
持心志靡他苦節霜寒惟盡孝慈之職事親教子  
卓有徽音時年八十三歲

馮氏南廂吳永澂妻二十九歲寡居矢志從終堅心  
守義事姑以孝教子以慈勤儉持家克全婦道時  
年五十四歲

梁氏建橋鄉儒士張向葵妻六歲適張二十八歲而  
寡冰雪自持孝慈兼盡茹荼含糞節勁心堅時年  
五十五歲子有三孫挺秀

豐順縣志

續修

卷之六

節孝

五

吳氏建橋鄉儒士張世經妻二十一歲孀守性情懿  
淑志節貞堅奉姑撫嗣孝慈兼盡時年六十一歲

吳氏建橋鄉張芳祖字錫珍妻二十八歲孀居二子俱

幼氏恩勤鞠育勗以成立且持家有道事庶姑克  
盡孝誠時年七十二歲子步魁奪魁俱大學

吳氏北門外黃家仁妻二十三歲失偶孀閨守節堅  
矢無他內則習嫻撫嗣教訓時年七十三歲

以上一百一十一名俱經光緒八年彙詳准旌表  
劉氏城東徐永海妻三十歲孀守撫育二子劬勞備

至冰雪持心乃二兒早喪復爲養孫教之成立而  
事姑處妯娌尤爲孝敬時年七十五歲

彭氏大樞半嶺黎開舉之妻二十二歲夫故螟蛉一  
子撫養成立冰清玉潔恪守閨幃奉翁姑必恭敬  
且助嗣子以儉勤光緒七年學憲馮爾昌獎以松  
筠節茂四字現存八十二歲子廷傑例貢生

彭氏姜娘九河社小湯鄉杜昌文之未婚妻年十五  
而文病亡氏聞耗卽過門奔喪撫棺痛哭誓志從  
終泣請舅姑立嗣繼後乃以夫堂姪日高撫養爲

豐順縣志

續修

卷之六

節孝

五

子事親教兒克盡婦道家有祖母李氏壽屆百有  
二齡氏尤旦夕侍奉寢膳不離洵爲貞孝懿德卒  
年三十三歲

高氏璜坑社田背吳世岐妻事姑極孝敬年至二十  
六夫適亡僅遺一孤尚乳哺氏供養上下備嘗艱  
苦而栢舟彤管愈切貞操乃姑至老年而逝子纔  
七歲遽亡俯仰旣見無依終不易其甘貧守節之  
志里黨咸稱之時年六十歲

劉氏坭溪張發貴之妻五歲適張而後凜遵婦道淑慎閨門事翁姑不避艱難廿九歲夫亡僅遺一子零丁孀守茹苦含辛經三十八年如一日光緒七年報准廣東省城小北門外崇祀節孝祠子炳勳例貢生現年六十七歲

宋朱子相傳選勝至潮寓同榜進士鄭國翰家遂偕入  
藍田飛泉嶺書莊以居嘗手書落漢鳴泉四大字  
揭諸覽勝亭中復鐫石壁上因留題焉今遺跡杳  
不可尋矣又傳明時有樵者誤入見脩竹萬竿古  
木繁翳鳥啼花開不減武陵歸語人引觀之已失  
所在此傳會之言不足信

鄭國翰字寧夫揭邑藍田六圖人紹興十八年戊辰  
與朱子同登王佐榜初授莆田令歷官兵部郎中

南渡後致仕歸築書莊于藍田之飛泉嶺集生徒  
講學其中朱子游潮主其家嘗以澹名軒學者稱  
爲澹軒先生

楊萬里字誠齋吉水人爲廣州提舉督師至潮經彭  
田鋪登韓山訪韓木復觀於海皆有題咏嘗偕黃  
公度過瘦牛嶺作詩有云平生不慣乘肥馬老去  
須教過瘦牛

按府志載唐陳元光揭陽人隋義安郡丞陳洪孫洪  
子政以武功著政子元光鎮撫漳潮屢著戰績後陳



亡暗豹韜衛大將軍開元四年追封潁川侯謚昭烈  
建廟漳浦鄉人以陳氏累世貴顯因名其所居爲貴  
人村山曰貴人村山揭志又云唐陳洪爲義安丞因  
留居爲揭陽龍溪人子政以武功復隸廣州揚威府  
孫元光習韶鈴善用兵累官鷹揚衛將軍儀鳳中崖  
山劇賊陳謙攻陷岡州嶺左閩越驚擾元光隨父征  
戍閩父死代爲將潮州刺史常懷德倚重之時高士  
廉孫璇嗣爵申國公左遷循州司馬永隆二年盜起  
攻南海邊鄙璇受命專征以光原諳揭陽令提兵入

潮伐山開道潛襲寇壘俘馘萬計嶺表皆平詔立廟  
封謚查揭屬龍溪都於嘉靖四十二年割隸海陽並  
無貴人村山地名而乾隆三年開設豐邑揭屬分割  
地方內有貴人村今居民尚多陳姓但莫有知其先  
世者附錄以備參考

